

四庫全書

經部

欽定四庫全書

經部

儀禮經傳通解續卷之全

詳校官尚書臣德保

給事中臣溫常綬覆勘

總校官進士臣繆珙

校對官助教臣羅萬選

謄錄監生臣趙興文

欽定四庫全書

儀禮經傳通解續卷二十八上

宋 楊復 撰

祭物上 祭禮十二上

肆師之職掌立國祀之禮以佐大宗伯

佐助也 疏曰肆師是宗伯之

考每事皆佐宗伯此經與下為目其立國祀之禮則下經所云立大祀已下是也

立大祀用玉

帛牲犴立次祀用牲幣立小祀用牲

牲音全 鄭司農云大祀天地次祀

日月星辰小祀司命已下玄謂大祀又有宗廟次祀又

有社稷五祀五嶽小祀又有司中風師雨師山川百物

疏曰此則佐宗伯之事案大宗伯有禋祀已下并宗廟六享之事此肆師陳用玉帛牲牷之等又曰司農云大祀天地至司命以下先鄭據大宗伯直據天神大次小而言唯天神中兼言地而已其於地示不言次小人鬼之中又不言大次小故後鄭就足之耳後鄭云大祀又有宗廟者以其先鄭於大祀中無人鬼故後鄭特舉之云次祀又有社稷五祀五嶽者此後鄭特舉社稷已下者以先鄭次祀中不言血祭社稷已下故也云小祀又有司中風師雨師山川百物者此後鄭見先鄭天神小祀中唯云司命以下其言不備故具之山川百物就足先鄭地示小祀耳若然後鄭直云大祀又有宗廟更不言宗廟次小祀者但宗廟次祀即先公是也不言之者已於酒正云次祀鷩冕毳冕所祭已具於彼故也又不言宗廟小祀者宗廟小祀其神不明馬君雖云宗廟小祀殤與無後無明文故後鄭亦不言也經言立大祀用玉帛牲牷者天神中非直有升煙玉帛牲亦有禮神



者也地示中非直瘞埋中有玉帛牲亦兼有禮神玉帛牲也宗廟中無煙瘞埋直有禮神幣帛與牲又不見有禮神之玉或可以灌圭為禮神之玉亦通一塗立次祀用牲幣者天神日月星辰地示血祭社稷五祀五岳是也宗廟次祀已下與大祀以歲時序其祭祀及其祈珥

序第次其先後大小故書祈為幾杜子春讀幾當為祈珥當為餌玄謂祈當為進機之機珥當為餌機餌者釁禮之事雜記曰成廟則釁之雍人舉羊升屋自中中屋南面封羊血流于前乃降門夾室皆用雞其餌皆於屋下剖雞門當門夾室中室然則是機謂羊血也小子職曰掌珥於社稷祈於五祀是也亦謂其官兆始成時也春秋僖十九年夏邾人執鄫子用之傳曰用之者何蓋叩其鼻以餌社也判告圭反疏曰言歲時序其祭祀者即上立大祀已下至小祀皆依歲之四時次序其大小先後也及其刲珥謂釁禮之事用毛牲即曰刲用

羽牲即曰鴈又曰云序第次其先後者不必先大後小  
 天地人之鬼神各有大次小或小而應先或大而應後  
 各自當其時以祭之故云第次其先後也云故書祈為  
 幾杜子春讀幾當為祈珥為鴈者皆無義所取故鄭不  
 從之也玄謂祈當為進機之機者案禮記玉藻沐畢云  
 進機鄭以為沐而飲酒曰機彼機為機福之義此直取  
 晉讀不取其義云珥當為鴈者經言珥是玉珥非取血  
 之義故讀從雜記下血傍為之也云雜記曰成廟則饗  
 之非人舉羊升屋自中者謂升上其屋當屋脊之中央  
 云門夾室皆用雞者謂廟門及兩廂夾室三處皆用雞  
 其鴈皆於屋下者謂三處皆不升屋而在屋下殺雞也  
 云割雞門當門夾室中室者中謂當室中央云然則是  
 機謂羊血也者鄭既引雜記之鴈欲破經珥及子春鴈  
 之意也云小子職曰掌珥于社稷祈于五祀是也者引  
 證血傍為之以證鴈義也其祈字猶不從故彼注引秋  
 官士師曰凡刳鴈則奉犬牲毛牲曰刳羽牲曰鴈此刳

𩚑正字與若然剗既正字而讀從進機者且從故書幾音耳至士師別為正解也云春秋傳曰者公羊傳文引之者謂證𩚑是取血  
以釁之事 春官 小宗伯掌五禮之禁令與其用

等

用等牲器尊卑之差鄭司農云五禮吉凶賓軍嘉疏曰云用等牲器尊卑之差者謂若天子大夫已上

大牢士少牢諸侯之大夫少牢士特牲之等其器謂若少牢四敦特牲二敦士二豆三俎大夫四豆五俎諸侯六豆七俎天子八豆九俎其餘尊罍爵勺及饗食之等各依尊卑之差先鄭云五禮吉凶賓軍嘉者大宗伯職

文

辨吉凶之五服車旗宮室之禁

五服王及公卿大夫士之服疏曰云吉

凶之五服者皆據人數而云五也又云車旗宮室之禁者謂若典命云國家宮室車旗衣服禮儀以九以七以五為節言禁令者謂五服及車旗宮室皆不得上僭下通當各依品命為法又曰案尚書云五服五章哉鄭注

云十二也九也七也五也三也又云予欲觀古人之象日月星辰注云此十二章天子備有公自山而下孝經云非先王之法服注云先王制五服天子服日月星辰諸侯服山龍云云皆據章數而言今此注五服以為王及公卿大夫士之服不據章數為五者以其喪服自天子達於士唯一而已不得數服為五即知吉之五服亦不得數服故皆據人為五也 同上

圭璧金璋不粥於市

家語作珪璋璧琮

命服

命車不粥於市宗廟之器不粥於市犧牲不粥於市

家語

作犧牲拒鬯

粥音育

尊物非民所宜有粥賣也

疏曰皆是尊貴所合蓄之物非民所宜有防民之僭偽

也王制

大宰以九式均節財用一曰祭祀之式

式謂用財之節

度疏曰式謂依常多少用財法式也一曰祭祀以九之式者謂若大祭次祭用大宰小祭用特牲之類

貢致邦國之用一曰祀貢三曰器貢七曰服貢

鄭司農云祀貢

犧牲包茅之屬器貢宗廟之器服貢祭服玄謂器貢銀鐵石磬丹漆也服貢締紵也疏曰云致邦國之用者

謂此貢諸侯邦國歲之常貢則小行人云令春入貢是也大行人云侯服歲一見其貢祀物彼謂因朝而貢與

此別也但諸侯國內得民稅大國貢平次國三之一小國四之一所貢者市取當國所出美物則禹貢所云厥

篚厥貢之類是也又曰鄭司農云祀貢犧牲包茅之屬者案禮祀禮器云三牲魚腊九州之美物故知祀貢有

犧牲也案僖公四年齊責楚包茅不入王祭不共無以縮酒故知祀貢有包茅云器貢宗廟之器者大行人因

朝而貢者得有成器此歲之常貢不得有成器故後鄭不從也云服貢祭服者後鄭亦不從以大行人因朝而

貢有祭服此歲之常貢不得有成服

天官

大行人侯服歲壹見其貢祀

物男服三歲壹見其貢器物采服四歲壹見其貢服物

祀物犧牲之屬器物尊彝之屬服物玄纁締纁也音曠又古曠反疏曰玄謂器物尊彝之屬者宗大宰

云器貢尊彝之屬者先鄭以為宗廟之器後鄭易之以為器貢銀鐵石磬丹漆不從先鄭此云器物後鄭以為

尊彝之屬與彼先鄭同者彼是歲之常貢不合有成器故破之此乃因朝而貢得貢成器故為尊彝解之知因

朝得貢成器者見昭十五年太子壽卒秋八月穆后崩十二月晉荀躒如周葬穆后籍談為介以文伯宴尊以

魯壺王責之分器籍談歸以告叔向叔向曰王其不終乎王一歲而有三年之喪二焉於是乎以喪賓宴又求

彝器以此知因朝得貢成器

秋官

季秋合諸侯制百縣為來歲受朔

日與諸侯所稅於民輕重之法貢職之數以遠近土地

所宜為度以給郊廟之事無有所私秦以建亥之月為歲首於是歲終使

諸侯及郊遂之官受此法焉合諸侯制者定其國家宮室車旗衣服禮儀也諸侯言合制百縣言受朔日互文

也貢職謂所入天子凡周之法以正月和之正歲而縣於象魏縣音玄疏曰合諸侯制者秦十月為歲首

此月歲之終也當入新歲故合此諸侯之法制又命百縣為來歲受朔日之政令并授諸侯所稅於民輕重之

法貢職之數天子有朔日政令諸侯所稅民輕重之法貢職之數皆天子制之百縣此來受處分故云受朔與

諸侯所稅於民輕重之法貢職之數皆天子之制言與者兼事之辭以遠近土地所宜為度者言定稅輕重入

貢多少皆以去京遠近之差土地所宜之物為節度無有所私者言既給郊廟重事百縣等物無得有所偏私

不如法制也又曰案史記秦文公獲黑龍自為水瑞命河為德水以十月為歲首云定其國家宮室車旗衣服

禮儀者此皆周禮典命文也彼注云國家國之所居謂城方也云互文者諸侯言合制則百縣亦合制百縣言來歲受朔日則諸侯亦來歲受朔日也故云互文諸侯謂畿外國百縣謂鄉遂云貢職謂所入天子者以經云稅於民輕重之法又云貢職之數其文既重故知稅於民者是積貯本國貢職之數者是輸納天子云周之法以正月和之者案大宰職正月之吉始和布治于邦國都鄙云正歲而縣于象魏者小宰職云正歲縣治象之法于象魏是

也月令

大府凡頒財以式灋授之

疏曰言凡頒財泉穀也

財者大宰云九賦斂財賄九式用之但事相因故二處別言九賦之物也此所頒之財即大宰斂財賄一也云以式法授之者謂以舊法式多少授與九式也知財得為泉者外府云掌邦布之出入賜予之財用是也知財中有穀者喪大記云納財朝一溢米米即是穀也

邦都之賦以待祭祀百邦都五里賦



口率出泉也。今之算泉民或謂之賦。此其舊名。與鄉大夫以歲時登其夫家之衆寡。辨其可任者。國中自七尺以及六十。野自六尺以及六十。有五皆征之。遂師之職亦云。以徵其財。征皆謂此賦也。又曰。入其所分穀物。以當賦。泉之數待猶給也。此九賦之財。給九式者。疏曰。邦都之賦者。其國中四百里外五百里中。有大都大都采地。其賦入主外。為公邑。其中民所出泉。入王家也。云賦。口率出泉也者。案大府云。九貢九賦。九功各別。又見司會云。以九貢致邦國之財。用以九賦令田野之財。用以九功令民職之財。用貢賦及功各別。賦為口泉。也是以鄭君引漢法。民年二十五已上至六十出口賦錢人百二十。以為算。故鄭於此注亦云。今之算泉民或謂之賦。此其舊名。與又引鄉大夫以歲時登其夫家已下及遂師職者。欲見征賦為一。皆是口率出泉。破司農為地稅也。云以當賦。泉之數者。以經云。頒財財即是穀物。取之以當賦。泉之數。若漢法人百二十云。待猶給也者。謂

大宰敘得九賦之財大府以九賦之財給九式之用待  
來則給之故云待猶給非是訓待為給云此九賦之財  
給九式者以其此經九事與大宰九式相當此九賦又  
與大宰九賦一也故云九賦之財給九式也天官

小宰以灋掌祭祀之戒具令百官府共其財用治其施

舍聽其治訟

法謂其禮法也戒具戒官有事者所當共  
施舍不給役者共音恭疏曰言以法

掌祭祀已下七者皆是上六聯百官聯事通職者以其  
衆官共故經云令百官府共其財用也又曰言禮法謂  
七者皆有舊法依行若九式曰祭祀之式云戒具戒官  
有事所當共也者此七事在大宰八法中六曰官法彼  
在八曰官計上者以其彼有數故在上此官法無數故  
退在六計下也云施舍不給役者上六聯注引鄉大夫  
國中貴者老者疾者服公事者是也天官外府凡祭祀共其財用之幣齎賜

予之財用

齋行道之財用也聘禮曰問幾月之齋鄭司農云齋或為資今禮家定齋作資玄謂

齋資同耳其字

以齊次為聲從貝變易古字亦多通

疏曰祭祀財用皆外府供其泉也云幣齋之財用

謂王使公卿已下聘問諸侯之行道所用則曰幣齋

云賜予之財用者謂王於羣臣有所恩好賜予之也

又曰問幾月之齋者案聘禮記使者既受行出遂見

宰問幾月之資注云資行用也古者君臣謀密草創

未知所之遠近問行用當知多少而已是其問幾月

之資鄭司農云齋或為資今禮家定齋作資者齋資

義一何得言禮家定作資哉後鄭不從

齋資兩字直是齊次為聲從貝變易耳

用必於歲之杪

杪亡小反杪末也

度大各反制國用如今度支經用

國之用凡制國用多少必計地小大又視年之豐耗

若地大年豐則制用多若地小年耗則制用少故鄭

云多不過禮量入以為出量音亮出謂所當給為

少有所殺給謂給百官賓客及民人祭用數之功疏曰出謂所當給為者

也為謂造國家器物也其什一疏曰知用今年一歲經用者以下文云喪

用三年之功此直云數之功故知是一歲之功也又

知功為什一者以功是分散之名故考工記云石有時

以功考工記又云以其圓之防稍其數彼注防謂三分

之一此云什一者以民稅一歲之什一則國祭所用亦

什一也此謂當年經用之內用其什一非是通計擬二

年儲積之蓄也故鄭喪用三年之功喪大事用三喪祭

云一歲經用之數

用不足曰暴有餘曰浩暴猶耗也浩猶饒也

典云浩浩滔天故云浩猶饒也

祭豐年不奢凶年不

儉

常用數之  
仿玉制

大饗不問卜

祭五帝於明堂莫適卜也郊  
特牲曰郊血大饗腥適丁

歷反

疏曰此大饗摠祭五帝其神非一若卜其牲日

五帝摠卜而已不得每帝問卜若其一問卜神有多

種恐吉凶不同故鄭云

莫適卜摠一卜而已

不饒富

富之言備也  
多於禮也  
疏曰不饒

富者富之言備也雖曰大饗諸帝配以文武然禮數有

常取備而已不得以其大饗豐饒其物使之過禮此經

直云大饗鄭知祭五帝於明堂者以其上文云不問卜

又與月令季秋大饗帝同諸帝皆在不得每帝問卜若

其祫之大饗則周禮宗伯享大鬼皆卜不得云不問卜

知非大祫也鄭引郊特牲云郊血大饗腥者取大饗二

字以證此大饗之文其實彼大饗文在郊下謂祫祭也

然此祭五帝莫適卜而雩摠祭五帝得每帝問卜者以

雩祭為百穀祈雨非一帝之功故每帝適卜至於大饗

之時歲功摠畢配以文武祭報其功不須每帝皆卜故

唯一卜而已  
曲禮下

泉府凡賒者祭祀無過旬日  
鄭司農云賒賁也以

祭祀故從官賞買物  
疏曰先鄭之意以祭祀事大故賒與民不取利地官

右祭用總要 傳孟子曰禮曰諸侯耕助以共粢

盛夫人蠶繅以為衣服犧牲不成染盛不潔衣服

不備不敢以祭惟士無田則亦不祭牲殺器皿衣

服不備不敢以祭則不敢以宴  
盛音成繅素刀反皿武永反禮曰

諸侯為藉百畝冕而青紘躬秉耒以耕而庶人助  
以終畝收而藏之御廩以供宗廟之粢盛使世婦  
蠶於公桑蠶室奉繭以示于君遂獻于夫人夫人  
副禕受之繅三盆手遂布于三宮世婦使繅以為

黼黻文章而服以祀先王先公又曰士有田則祭  
無田則薦黍稷曰粢在器曰盛牲殺牲必特殺也

皿所以覆器者

滕文公下

穆王將征犬戎

穆王周康王之孫昭王之子穆

王滿也征正也上討下之稱  
犬戎西戎之別名在荒服

祭公謀父諫曰

祭公

國周公之後為王卿士謀父字也  
傳曰凡蔣那茅胙祭周公之膺也

先王之制邦內

甸服

邦內謂天子畿內千里之地商頌曰邦畿千  
里維民所止王制曰千里之內曰甸京邑在

其中央故夏書曰五百里甸服則古今同矣甸王  
田也服服其職業也自商以前并畿內為五服武

王克殷周公致太平因禹所弼除畿內更制天下  
為九服千里之內謂之王畿王畿之外曰侯服侯

服之外曰甸服今謀父諫穆王稱先王之制猶以  
王畿為甸服者甸古名世俗所習也故襄王謂晉

文公曰昔我先王之有天下也規方千里以為邦  
甸服是也周禮亦以蠻服為要服足以相況矣邦

外侯服

侯邦外邦畿之外方五百里之地謂之侯服

侯衛賓服

此總言之也侯侯圻也衛衛圻也言自侯圻至衛圻其間凡五圻圻五百里五

五二十五五百里中國之界也謂之賓服常以服貢賓見於王五圻者侯圻之外曰甸圻甸圻之外曰

男圻男圻之外曰采圻采圻之外曰衛圻周書康誥曰侯甸男采衛是也凡此服數諸家之說皆紛

錯不同唯賈君近之

蠻夷要服

蠻蠻圻也夷夷圻也周禮衛圻之外曰蠻圻去王城三千

五百里九州之界也夷圻去王城四千里周禮行人職衛圻之外謂之要服此言蠻夷要服則夷圻

朝貢或與蠻圻同也要服者要結好信而服從之

戎翟荒服

戎翟去王城四五百里至五



千里也四千五百里為鎮圻五千里為蕃圻在九州之外荒裔之地與戎翟同俗故謂之荒荒忽無

常之言也  
**甸服者祭**  
祭供日祭也此采地之君其見無數  
**侯服者祀**  
祀供月

堯舜及周侯服皆歲見  
**賓服者享**  
享供時享也享獻也周禮甸圻二歲而見男圻三歲而

見采圻四歲而見衛圻五歲而見其見也必以所貢助祭於廟孝經所謂四海之內各以其職來祭

**要服者貢**  
貢供歲貢也要服六歲一見  
**荒服者王**  
王王事天子也周禮九州之外

謂之蕃國世一見各以其所貴寶  
為贄詩曰自彼氏羌莫敢不來王  
**日祭**  
日祭祭於祖考謂上

食也近月祀  
月祀於會高  
**時享**  
時享於二桃  
**歲貢**  
歲貢於壇墠  
**終**

王終謂世終也朝嗣  
王及即位而來見  
**先王之訓也有不祭則脩意**

意志意也謂邦甸之內有違闕不供日有不祀則祭者先脩意以自責畿內近知王意也

脩言

言號令也

有不享則脩文

文典法也

有不貢則脩名

謂

尊卑職貢之名號晉語曰信於名則上下不干

有不王則脩德

遠人不服則脩文德

以來

序成而有不至則脩刑

序成謂上五者次序已成而有不至則有

刑於是乎有刑不祭伐不祀征不享讓不貢

讓責也

告不王

謂以文辭告曉之也遠者卑輕也

於是乎有刑罰之辟

刑不

祭有攻伐之兵

伐不祀也

有征討之備

征不享也有威讓之

令

讓不貢也

有文告之辭

告不

今自大畢伯仕之終也

大畢伯仕大戎氏之二君終卒也

大戎氏以其職來王

以其職謂其嗣子以

其寶來

王也

天子曰予必以不享征之且觀之兵

享賓服之

禮以責

大戎

其無乃廢先王之訓而王幾頓乎

幾危也頓敗也

國語

齊桓公伐楚曰爾貢包茅不入王祭不

共無以縮酒寡人是徵

共音恭縮所六反束也茅菁茅也束茅而灌

之以酒為縮酒尚書包匭菁茅之為異未審菁子丁反匭音軌疏曰禹貢荊州包匭菁茅孔安

國云其所包裹而致者匭匣也菁以為菹茅以縮酒郊特牲云縮酌用茅鄭玄云涕之以茅縮去滓

也周禮甸師祭祀共蕭茅鄭興云蕭字或為茵茵讀為縮茅立之祭前沃酒其上酒滲下去若神飲

之故謂之縮縮滲也故齊桓公責楚不貢包茅王  
祭不共無以縮酒杜用彼鄭興之說也孔安國以  
菁與茅別杜云茅菁茅則以菁茅為一令荊州貢  
茅必當異於餘處但更無傳說故云茅之為異未  
審也沈氏云大史公封禪書云江淮之間一茅三  
脊杜云未審者以三脊之茅比目之魚比翼之鳥  
皆是靈物不可常貢故杜云未  
審也僖公四年春秋左氏傳

內宰中春詔后帥外內命婦始蠶于北郊以為祭服

音中

仲

疏

蠶于北郊婦人以純陰為尊郊必有公桑蠶室焉  
曰云仲春詔后帥外內命婦始蠶于北郊者內宰

以仲春二月詔告也告后帥領外命婦諸臣之妻內命  
婦三夫人已下始蠶於北郊云以為祭服者禮記祭義  
亦云蠶事既畢遂朱綠之玄黃之以為祭服此亦當染  
之以為祭服也又曰云蠶于北郊婦人以純陰為尊者

案禮記祭統云天子親耕于南郊鄭以諸侯為少陽是天子以純陽為尊則后蠶于北郊純陰為尊也云郊必有公桑蠶室焉者案月令三月后妃親東鄉躬桑此云二月與彼不同者案馬質云禁原蠶者彼注天文辰為馬引蠶書曰蠶為龍精月值大火則浴其種是蠶與馬同氣故此亦仲春始蠶蠶者亦謂浴種至三月臨生蠶之時又浴種乃生之故設文有異也

歲終則會內人之稍食稽其功事

內人

主謂九御疏曰歲終亦謂周之季冬內宰則會計內人女御之稍食稍食則月請是也云稽其功事者稽計也又當計女御絲枲二者之功事以知多少又曰知內人主是女御者案典婦功授嬪婦及內人女功之事齋嬪婦既是九嬪世婦明內人是九御也

佐后而受獻功者比其小大與其麤

良而賞罰之

獻功者九御之屬鄭司農云烝而獻功主謂典婦功曰及秋獻功疏曰佐后而受

獻功者謂內宰佐助后而受女御等獻絲枲之功布帛等云此其小太與其麤良者布帛之等縷小者則細良縷大者則麤惡今言麤不云惡言良不云細者互見為義也云而賞罰之者良則賞之麤則罰之以示懲勸也又曰鄭知獻功是九御之屬者上文云以婦職之法教九御明所受獻功還是九御之屬可知司農云烝而獻功謂冬獻功玄引典婦功職秋獻功不從先鄭者以其內宰佐后受明是婦官所造還是典婦功女御等秋獻功也

天官

季春后妃齊戒親東鄉躬桑禁婦女毋觀省

婦使以勸蠶事

鄉許亮反觀古喚反省所景反后妃親採桑示帥先天下也東鄉者鄉時氣

也是明其不常留養蠶也留養者所卜夫人與世婦謂世婦及諸臣之妻也內宰職曰仲春詔后帥外內命婦始蠶于北郊女外內子女也夏小正曰安子始蠶執養宮事毋觀去容飾也婦使縫線組紉之事去起呂

反組音祖。紉音旬。疏曰：若尋常養蠶，或東西南北面無所在。今後惟東面採桑，明知不常。留養蠶也。暫示法而已。留養者，所卜夫人與世婦者。案祭義云：卜三宫之夫人、世婦之吉者，使蠶是常。留養蠶也。祭義又云：夫人禘副而受之言副禘，則據王后言三宫夫人則似據諸侯不同者。祭義所云：雖明天子諸侯之法，副禘據王后上公夫人亦副禘也。三宫夫人據諸侯亦得通王之三夫人也。云婦謂世婦及諸臣之妻者，釋經中婦字。知不兼三夫人九嬪者，以經云：禁婦女無觀，則尊者不應在禁限。故知無夫人與嬪也。及女御亦當在焉。特云世婦者，以祭義云：世婦之吉者，故特言之。引內宰職：蠶于北郊者，證躬桑之事。案此經是季春躬桑，內宰云：仲春者以仲春既帥命婦躬桑浴種。至季春又更躬桑浴蠶也。故熊氏云：案馬質注云：蠶為龍精，月值大火則浴其種。是二月浴種也。祭義云：大昕之朝，奉種浴于川。注云：大昕，季春朔日是三月。又浴蠶也。皇氏云：二月浴之，三月

乃躬其義非也云女外內子女者解經中女字外子女  
謂王外姓甥之女者內子女者王之同姓子女則周禮  
之外宗內宗皆以嫁有爵者故內宰云帥外內命婦言  
內命則未出嫁者不在焉鄭注周禮士妻亦為命婦則  
士妻亦在云夏小正曰妾子始蠶執養宮事者引之證  
明子女養蠶之事皇氏云妾謂外內命婦子謂外內子  
女執養宮事執操也養長也謂操持養長蠶宮之事云  
無觀去容飾者以其祭先蠶又志在採桑養蠶無暇為  
飾之事故禁蠶事既登分繭稱絲效功以共郊廟之服  
之以示法

無有敢惰

共音恭  
勸戒之

登成也救往蠶者蠶畢將課功以  
疏曰登成釋詁文以分繭稱絲是

課効其功故云以  
勸戒之月令

孟夏蠶事畢后妃獻繭乃收繭稅

以桑為均貴賤長幼如一以給郊廟之服

后妃獻繭者  
內命婦獻繭



於后妃收繭稅者收於外命婦外命婦雖就公桑蠶室而蠶其夫亦當有祭服以助祭收於近郊之稅耳貴賤長幼如一國服同經云后妃獻繭恐后妃獻繭於王故明之也知非后妃獻繭於王者祭義曰世婦卒蠶奉繭以示於君遂以獻於夫人是夫人不獻繭也云收繭稅者收於外命婦者內命婦既以獻繭更別云收繭稅故知於外命婦也雖就公桑蠶室而蠶其夫亦有祭服以助祭也皇氏云外命婦既就公家之桑而養蠶則繭當悉輸於公所以唯皆稅其繭餘得自入者以其夫當有祭服以助王祭故令繭得自入以供造也今謂夫助祭之服當公家所為故禮再命受服言外命婦雖就公桑蠶室而蠶既是官家之桑繭應全入於已所以有稅者以其夫亦當有祭服官家所給故輸繭稅以供造之但稅寡少故云收以近郊稅耳知收以近郊稅者戴師云近郊十一公桑在國北近郊故知收以近郊云貴賤長幼如一國服同者

案泉府云凡賒者以國服為之息國服謂國家貢賦服事在上各有等限謂之國服言貴賤長幼出繭稅俱以十一等限齊同故云國服同其受桑則貴賤異也

季

夏命婦官染采黼黻文章必以灋故無或差貸

貸音二又他得

反

婦官染人也采五色

疏曰案周禮婦官有典婦

功典染人等此據染采故為染人采五色者鄭注臯陶謨曰采施曰色未用謂之采已用謂之色此對文耳散則通

黑黃蒼赤莫不質良毋

敢詐偽

質正也良善也所用染者當得真采正善也

以給郊廟祭祀之服

令月

典絲凡祭祀共黼畫組就之物

以給衣服冕旒及依盥巾之屬白與黑謂

之黼采色一成曰就依於豈反疏曰言凡祭祀者謂祭祀天地宗廟社稷山川之等故言凡以廣之云共

黼畫者凡祭服皆畫衣繡裳但裳繡須絲衣畫不須絲  
而言共絲者大夫已上裳皆先染絲則玄衣亦須絲為  
之乃後畫故萊衣畫而言之也組就者謂以組為冕旒  
之就故組就連言之云之物者謂絲之物色共之又曰  
云以給衣服者經云共據王而言注云給據臣而言鄭  
欲見尊卑皆授絲物也言衣服釋經黼畫但周之冕服  
九章衣五章裳四章龍衮已下直言黼者據美者而言  
謂若詩云玄衮及黼周書云麻冕黼裳之類云冕旒者  
釋經組就謂若弁師云十二就之等云及依者亦釋經  
黼此據祭祀謂若掌次大旅上帝設皇邸邸即屏風為  
黼文云盟巾者亦釋經黼謂若冢人職云王巾皆黼之  
類云之屬者殯有加斧於椁上及綃黼丹朱之類也云  
白與黑謂之黼者殯人職文云采色一成曰就者謂若  
典瑞云五采五就弁師十二就之等皆是采色一成為  
就也

天官

司服掌王之吉凶衣服辨其名物與其用事

用事祭祀視朝甸凶弔之事衣服各有所用疏曰此一經與下文為總目王吉服有九大裘已下是也凶服即下文凶事與弔是也辨其名物者衣服有名則物色有異同也云用事祭祀視朝甸凶弔之事者其事各異云衣服各有所用者謂若王之吉服祀昊天上帝則服祀昊天用大裘之等是也

大裘而冕祀五帝亦如之享先王則衮冕享先公饗射則鷩冕祀四望山川則毳冕祭社稷五祀則希冕祭羣

小祀則玄冕

六服同冕者首飾尊也先公謂后稷之後大王之前不密至諸盥饗射饗食賓客與

諸侯射也屨小祀林澤墳衍四方百物之屬鄭司農云大裘羔裘也衮卷龍衣也鷩裋衣也毳屬衣也玄謂書曰予欲觀古人之象日月星辰山龍華蟲作績宗彝藻火粉米黼黻希繡此古天子冕服十二章舜欲觀焉華蟲

五色之蟲續人職曰鳥獸蛇雜四時五色以章之謂是也希讀為紕或作帶字之誤也王者相變至周而以日月星辰畫於旌旗所謂三辰旂旗昭其明也而冕服九章登龍於山登火於宗彝尊其神明也九章初一日龍次二曰山次三曰華蟲次四曰火次五曰宗彝皆畫以為繪次六曰藻次七曰粉米次八曰黼次九曰黻皆希以為繡則袞之衣五章裳四章凡九也鷩畫以雉謂華蟲也其衣三章裳四章凡七也毳畫虎雉謂宗彝也其衣三章裳二章凡五也希刺粉米無畫也其衣一章裳二章凡三也玄者衣無文裳刺黻而已是以謂玄焉凡冕服皆玄衣纁裳 蓋直劉反或音冑屬居例反甫張里反刺七亦反劉七賜反 疏曰王之吉服并下韋弁服皮弁服冠弁服三者亦是今尊其祭服且言六矣云六服服雖不同首同用冕以首為一身之尊故少變同用冕耳下經五服同名弁亦是首飾尊鄭不言者義可知也冕名雖同其疏數則亦有異但冕名同耳云先

公謂后稷之後大王之前不密至諸盤者但后稷雖是  
公不謚為王要是周之始祖感神靈而生文武之功因  
之而就故特尊之與先王同是以尚書武成云先王建  
邦啓土尊之亦謂之先王也是以鄭云后稷之後大王  
之前不數后稷不密后稷卒子不密立不密卒子鞠立  
為先公矣周本紀云后稷卒子不密立不密卒子鞠立  
鞠卒子公劉立卒子慶節立卒子皇僕立卒子羌弗立  
卒子毀榆立卒子公非立卒子高圉立卒子亞圉立卒  
子公祖類立卒子古公亶父立古公亶父則大王亶父  
也公祖類即紺亦曰諸盤也大裕於大祖后稷廟中尸  
服衾冕王服亦衾冕也案中庸注云先公祖紺以上至  
后稷天保詩注先公謂后稷至諸盤天作詩注云先公  
謂諸盤至不密經皆云先公注或言后稷或不言后稷  
者中庸云周公成文武之德追王大王王季上祀先公  
以天子之禮后稷既不追王故注先公中有后稷也天  
保詩云綸祠烝嘗是四時常祭故云先公中有后稷天

作詩是拾之祭禮在后稷廟中不嫌不及后稷故注不  
言后稷各有所據故注不同也云饗射饗食賓客與諸侯  
射也者饗食則大行人云上公三饗三食之等是也但  
饗食在廟故云服鷩冕也與諸侯射者此大射在西郊  
虞庠中亦服鷩冕也若燕射在寢則朝服若賓射在朝  
則皮弁服云羣小祀林澤墳衍四方百物者此據地之  
小祀以血祭社稷為中祀埋沈已下為小祀也若天之  
小祀則司中司命風師雨師鄭不言者義可知鄭司農  
云云大裘羔裘也者司裘文先鄭注云大裘黑羔裘然  
則凡祭天皆同羔裘義具於司裘也云衮卷龍衣也者  
鄭注禮記云卷俗讀其通則曰衮故先鄭衮卷并言之  
也云鷩冕鄭注云衮之衣也者案禮記曾子問云諸侯  
氏衾冕鄭注云衾之言埋也天子大裘為上其餘為衾  
若然則衾衣自衾以下皆是先鄭獨以鷩為衾衣其言  
不足矣云毳屬衣也者案爾雅云毛毳謂之屬則續毛  
為之若今之毛布但此毳則宗彞謂虎雌而先鄭以為

蜀衣於義不可故後鄭不從也玄謂書曰至希繡而云此古天子冕服十二章舜欲觀焉者欲明舜時十二章至周無十二章之意也然古人必為日月星辰於衣者取其明也山取其人所仰龍取其能變化華蟲取其文理作繡者繡畫也衣是陽陽至輕浮畫亦輕浮故衣繡也宗彝者據周之彝尊有虎彝堆彝因於前代則虞時有堆彝虎彝可知若然宗彝之宗廟彝尊非蟲獸之號而言宗彝者以虎堆畫於宗彝則因號虎彝為宗彝其實是虎堆也但虎堆同在於彝故此亦并為一章也虎取其嚴猛堆取其有智以其印鼻長尾大雨則懸於樹以尾塞其鼻是其智也藻水草亦取其有文象衣上華蟲火亦取其明粉米共為一章取其潔亦取養人黼謂白黑為形則斧文近刃白近上黑取斷割焉黻黑與青為形則兩已相背取臣民皆惡向善亦取君臣有合離之義去就之理也希繡者孔君以為細葛上為繡鄭君讀希為黼黻也謂刺繡為繡次但裳主陰刺亦是沈



深之義故裳刺也云華蟲五色之蟲孔君注以為華象  
草華蟲雉也義亦通以其草華有五色故引續人鳥獸  
蛇雉四時五色以章之為證也華蟲名鶩者以其頭似  
鶩以有兩翼即曰鳥以其體有鱗似蛇則曰蛇以其有  
五色成章則曰雉故鄭注考工記云蟲之毛鱗有文采  
者也云布讀為締或作黼字之誤也者本有此二文不  
同故云誤當從締為正也云王者相變至周而以日月  
星辰畫於旌旗者若孔君義虞時亦以日月星畫於旌  
旗與周同鄭意虞時無有日月星畫於旌旗若虞時日  
月星畫於旌旗則衣無日月星也云所謂三辰旂旗昭  
其明也者所謂桓公二年哀伯辭彼三辰則此日月星  
辰旌旗者謂交龍為旂熊虎為旗不畫日月星連引之  
耳引之者證周世日月星畫於旌旗之意也云而冕服  
九章者據周法而言既云日月星三章明有九章在也  
云登龍於山登火於宗彝尊其神明也者鄭知登龍於  
山者周法皆以蟲獸為章首若不登龍於山則當以山

為章首何得猶名衮龍乎明知登龍於山取其神也又知登火於宗彝者宗彝則龍也若不登火在於宗彝上則龍是六章之首不得以龍為五章之首故知登火於宗彝取其明也云九章初一日龍至凡五也此無正文並鄭以意解之以其衣是陽從奇數裳是陰從耦數云希刺粉米無畫也者衣是陽應畫今希冕三章在裳者自然刺繡但粉米不可畫之物今雖在衣亦刺之不變故得希名故鄭特言粉米也然則冕之粉米亦刺之也云玄者衣無文裳刺黻而已者以其祭服衣本是玄今玄冕一章仍以玄為名明衣上無畫一章者刺黻於裳而已是以謂玄焉云凡冕服皆玄衣纁裳者六冕皆然故云凡以該之知玄衣纁裳者見易繫辭黃帝堯舜垂衣裳蓋取諸乾坤乾為天其色玄坤為地其色黃但土無正位託於南方火赤色赤與黃即是纁色故以纁為名

公之服自衮冕而下如王之服侯伯之服自鷩冕

而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大功小功士之服自皮弁而

下如大夫之服其凶服亦如之其齊服則玄端素端

齊側

皆反注士齊同自公之衮冕至卿大夫之玄冕皆其朝聘天子及助祭之服諸侯非二王後其餘皆玄冕而

祭於己雜記曰大夫冕而祭於公弁而祭於己士弁而祭於公冠而祭於己大夫爵弁自祭家廟唯孤爾其餘

皆玄冠與士同玄冠自祭其廟者其服朝服玄端諸侯之自相朝聘皆皮弁服此天子日視朝之服喪服天子

諸侯齊斬而已卿大夫加以大功小功士亦如之又加總焉士齊有素端者亦為札荒有所禱請變素服言素

端者明異制鄭司農云衣有襦裳者為玄端玄謂端者取其正也士之衣袂皆二尺二寸而屬幅是廣袂等也其袼尺二寸大夫已上侈之侈之者蓋半而益一為半而益一則其袂三尺三寸袼尺八寸襦音儒屬音燭廣古曠反上時掌反疏曰陳天子吉凶之服訖自此已下陳諸侯及其臣之服貴賤不同之事也但上具列天子之服此文以上公自衮冕以下差次如之上得兼下下不得僭上也大夫云凶服加以大功小功者天子謂侯自旁期已下皆絕而不為服大夫加以大功小功謂本服大功小功者其降一等小功降仍有服總者其本服之總則降而無服云士之服自皮弁而下者士之助祭服爵弁不言爵弁者以其爵弁之服惟有承天變時及天子冕諸侯乃服之所服非常故列天子吉服不言之今以次轉相如不得輒於士上加爵弁故以皮弁為首但皮弁亦是士助君視朔之服也云其凶服亦如之者亦如大夫有大功小功但士無降服則亦有總服故

鄭增之也其齊服有玄端者則士冠上士玄裳中士黃裳下士雜裳持牲士之享祭之服也素端者即上素服為札荒祈請之服也又曰云自公衮冕至卿大夫之玄冕皆其朝聘天子及助祭之服者此上公衮已下既非自相朝聘之服又非已之祭服案曾子問云諸侯裨冕出視朝鄭云為將廟受謂朝天子時也春夏受享於廟秋冬壹受之於廟是受享受覲皆在廟是受朝之事及助祭在廟理當裨冕也若卿大夫聘天子受之在廟及助祭亦用冕服可知故鄭若臣朝聘並言也云諸侯非二王後其餘皆玄冕而祭於已知之者案玉藻云諸侯玄端而祭注云端當為冕是諸侯玄冕自祭於已也案玉藻云諸侯祭宗廟之服惟魯與天子同此注云諸侯非二王後其餘皆玄冕祭於已彼不言二王後此不言魯者彼此各舉一遙而言其實相兼乃具也魯雖得與天子同惟在周公文王廟中得用衮冕故明堂位云季夏六月以禘

禮祀周公于太廟云天子之禮是也若餘廟亦玄冕或可依公羊傳云白牡周公牲駢牝魯公牲羣公不毛魯公既與羣公別牲而用駢牝則其服宜用鷩冕可也其二王後唯祭受命王得用衮冕其餘廟亦得用玄冕也云雜記曰大夫冕而祭於公弁而祭於已士弁而祭於公冠而祭於已大夫爵弁自祭家廟惟孤獨其餘皆玄冠與士同者鄭引雜記者上已說諸侯祭於已訖更明孤已下自祭不得用上服之意也云其餘皆玄冠與士同者諸侯除孤用爵弁之外卿大夫等皆用玄冠與士同故少牢是上大夫祭用玄冠朝服特牲是士禮用玄冠玄端是其餘皆玄冠與士同也其天子大夫四命與諸侯之孤同亦以爵弁自祭天子之士宜與諸侯上大夫同用朝服也云玄冠自祭其廟者其服朝服玄端者朝服據少牢大夫禮玄端據特牲士禮而言也云諸侯之自相朝聘皆皮弁服者欲見此經上服惟施於入天子廟不得入諸侯廟之意必

知諸侯自相朝聘用皮弁者見聘禮主君及賓皆皮弁  
諸侯相朝其服雖無文聘禮主君待聘者皮弁明待諸  
侯朝亦皮弁可知且曾子問云諸侯朝天子冕而出視  
朝為將廟受及彼下文諸侯相朝云朝服而出視朝鄭  
云為事故據此上下而言明白相朝不得與天子同即  
用皮弁可知也云此天子曰視朝之服者此解皮弁非  
諸侯常服之物惟於朝聘乃服之意也云喪服天子諸  
侯齊斬而已者欲見大夫言大功小功天子諸侯不言  
之意也天子諸侯絕旁期此云齊者據為后夫人而言  
若然天子於適孫承重亦期周之道有適子無適孫若  
無適子自然立適孫若無適孫立適曾孫亦期及至適  
玄孫皆然也既為適孫有服而適子之婦大功若於適  
孫已下之婦承重者皆小功矣今特言齊者舉后夫人  
重者而言云卿大夫加以大功小功者是據正服大功  
小功若總則降而無服故不言云士亦如之又加總焉  
者士不降服明知更加總也云士齊有素端者亦為札

荒有所禱請者然上文已云素服士既轉相如已有素服矣今於經別云玄端素端為士設文者以其大夫已上侈袂同惟士不得侈袂以端為之故經別見端文也若然士之素端言齊者見禱請也則上文素服亦是齊服禱請可知也云變素服言素端者明異制者鄭解士別見文素意也鄭司農云裘有禱裳者為端者此端據正幅不據襦裳故後鄭不從也玄謂端者取其正也者端正也故以正幅解之也云士之衣袂皆二尺二寸而屬幅是廣袂等也者云衣袂二尺二寸喪服記文故彼云衣二尺有二寸注云此謂袂中也言衣者明與身參齊是玄端之身長二尺二寸今兩邊袂亦各屬一幅幅長二尺二寸上下亦廣二尺二寸故云屬服廣袂等袂則長也言皆者皆玄端素端二者同也云其袂尺二寸者據玉藻深衣之袂尺二寸而言也云大夫已上侈之侈之者蓋半而益一焉半而益一則其袂三尺三寸袂尺八寸者此亦無正文案禮記雜記云凡弁經服其袂



侈袂少牢主婦衣綃衣亦云侈袂侈大也鄭以侈為大即以為半而益一以解之也孔子大袂單衣亦如此也凡天子冕服有章者舊說天子九章據大章而言其章別小章章依命數則皆十二為節上公亦九章與天子同無升龍有降龍其小章章別皆九而已自餘鷩冕毳冕以下皆然必知有小章者若無小章絺冕三章則孤有四命六命卿大夫玄冕一章卿大夫中則有三命二命一命天子之卿六命大夫四命明中有小章乃可得依凡大祭祀共其衣服而奉之奉猶送也送之於王所疏曰云大祭祀則中兼有次小祭祀以具皆是王親祭故舉大而言皆當奉衣服而送之於王王服之以祭祀春官

屨人掌王及后之服屨為赤舄黑舄赤纁黃纁青句素

屨葛屨

總於力反句音劬又姜踰反屨自明矣必連言服者著服各有屨也複下曰舄禪下曰屨古

人言屨以通於複今世言屨以通於禪俗易語反與屨有絢有總有純者飾也鄭司農云赤總黃總以赤黃之絲為下綠士喪禮曰夏葛屨冬皮屨皆總緇純禮家說總亦謂以采絲縹其下玄謂凡屨各象其裳之色士冠禮曰玄端黑屨青句總純素積白屨緇絢總純爵弁纁屨黑絢總純是也王吉服有九鳥有三等赤鳥為上冕服之鳥也詩云王賜韓侯玄衮赤鳥則諸侯與王同下有白鳥黑鳥王后吉服六唯祭服有鳥玄鳥為上韋衣之鳥也下有青鳥赤鳥鞠衣以下皆屨耳句當作絢聲之誤也絢總純者同色今云赤總黃總青絢雜互言之明鳥屨衆多反覆以見之凡鳥之飾如續之次赤總者王黑鳥之飾黃總者王后玄鳥之飾青絢者王白鳥之飾言總必有絢純言絢亦有總純三者相將王及后之赤鳥皆黑飾后之青鳥白飾凡屨之飾如繡次也黃屨白飾白屨黑飾黑屨青飾約謂之拘著鳥屨之頭以為行成總縫中糾純緣也天子諸侯吉事皆鳥其餘

唯服冕衣翟著鳥耳士爵弁纁屨黑絢纁純尊祭服之  
屨飾從纁也素屨者非純吉有凶去飾者言葛屨明有  
用皮時著丁庶反一知略反與音餘絢音幼有純章  
允反下同緣悅面反礫音厯衣翟於既反疏曰云掌  
王及后之服屨者但首服在上尊又是陽多變是以追  
師與弁師男子婦人首服各別官掌之屨鳥在下卑又  
是陰少變故男子婦人同官掌之也云為赤鳥以下謂  
掌而營造之故云為也赤鳥者男子冕服婦人闕翟之  
鳥也黑鳥者天子諸侯玄端服之鳥赤纁已下云纁云  
句者欲言纁絢以表見其鳥可赤纁者是天子諸侯黑  
鳥之飾黃纁者與婦人為玄鳥之飾也青句者與王及  
諸侯為白鳥之飾凡屨鳥皆有絢纁純三者相將各言  
其一者欲互見其屨鳥故多舉一邊而言也素屨者大  
祥時所服去飾也葛屨者自赤鳥以下夏則用葛為之  
若冬則用皮為之在素屨下者欲見素屨用葛與皮故  
也又曰云屨自明矣必連言服者著服各有屨也者屨

舄從裳色裳既多種故連言服也云複下曰舄禪下曰舄禪者下謂底複重底重底者名曰舄禪底者名曰履也無正文鄭目驗而知也云古人言履以通於複者首直云履人不言舄及經舄履兩有是言履通及舄周公即古人也故云古人言履以通於複也云今世言履以通於禪者謂漢時為今世但漢時名複下者為履并通得下禪之履故云俗易語反與云與者無正文鄭以意解之故云與以疑之也舄履有約有總有純者飾也者言總純謂以條相接之縫綴條於其中言約謂履頭以條為鼻純謂以條為口緣經不云純者文略也鄭司農云赤總黃總以赤黃之絲為下緣云皆總緇純者葛屨皮屨皆引士表禮者證總為下緣云皆總緇純者葛屨皮屨皆有總也緇純純用緇則總約亦用緇色也玄謂凡履舄各象其裳之色者履舄與裳俱在下體其色同制舄屨與裳色同也引士冠禮者證屨同裳色云玄端黑屨者凡玄端有上士玄裳中士黃裳下士雜裳今云黑屨者

據裳為正也云青絢總純者屨飾從繡次也云素積白屨者皮弁服素積以為裳故白屨也云緇絢總純者亦飾從繡次也云爵弁纁屨黑絢總純者鄭云尊祭服飾從績次言是也者是屨從裳色之義也云王吉服有九者則司服六冕與韋弁皮弁冠弁是也云舄有三等者謂赤舄黑舄白舄也云赤舄為上冕服之舄者此經先言赤舄是舄巾之上是六冕之舄也引詩者是韓侯之詩也玄衮者冕服皆玄上纁下而畫以衮龍云赤舄者象纁裳故也引之者證諸侯得與王同有三等之舄亦舄為上也云下有白舄黑舄者白舄配韋弁皮弁黑舄配冠弁服案司服注韋弁以韎韋為弁又以為衣裳則韋弁其裳以韎之赤色韋為之今以白舄配之其色不與裳同者鄭志及聘禮注韋弁服皆云以素為裳以無正文鄭自兩解不定故得以白舄配之冠弁服則諸侯視朝之服是以燕禮記云燕朝服鄭云諸侯與其羣臣日視朝之服也謂冠玄端緇帶素鞶白屨也白屨即與

皮弁素積白屨同今以黑鳥配之不與裳同色者朝服與玄端大同小異皆玄冠緇布衣而裳有異可若朝服則素裳白屨若玄端之裳則玉藻云韠君朱大夫素士爵韋是韠從裳色則天子諸侯朱裳大夫素裳皆不與裳同色者但天子諸侯鳥有三等玄端既不得與祭服同亦鳥若與韋弁皮弁同白則黑鳥無所施故從上士玄裳為正而黑鳥也大夫玄端素裳亦從玄裳黑屨矣云王后吉服六韠祭服有鳥者以王鳥有三后鳥不得過王故知后鳥亦三等但冕服有六其裳同故以一鳥配之后翟三等連衣裳而色各異故三翟以三等之鳥配之云玄鳥為上韠衣之鳥也下有青鳥赤鳥者玄鳥配韠衣則青鳥配搖翟赤鳥配闕翟可知云韠衣以下皆屨耳者六服三翟既以三鳥配之且下文命夫命婦唯言屨不言鳥故知韠衣以下皆屨也云句當為絢知者以此屨鳥無取句之義案士冠禮皆云絢故知當為絢云絢總純同色者案士冠禮三冠絢總純各自同色

故也云今云赤纁黃纁青紵雜互言之明鳥屨衆多反覆以見之者以其男子有三等屨鳥婦人六等屨鳥若具言其屨鳥於文煩故雜互見之明其衆多也云凡鳥之飾如纁之次者無正文此約皮弁白屨黑約纁純白黑北方為纁次爵弁纁屨黑約纁純黑與纁南北相對尊祭服故對方為纁次也以此而言則知凡鳥皆不與屨同而為纁次可知云赤纁者王黑鳥之飾者以其鳥飾從纁之次赤是南方火色與北方黑對方無青屨取赤為纁知是王黑鳥之飾也云黃纁者王后玄鳥之飾者以其天玄與地黃相對為纁次故知是王后玄鳥之飾也上公夫人得服褱衣者亦得玄鳥也云青紵者王白鳥之飾者亦以對方飾之亦得與褱衣黑屨為飾但據鳥尊者而言王亦與諸侯白鳥為飾也云言纁必有紵純言紵亦有纁純三者相對者以士冠禮三冠各有紵纁純故知三者相對但經互見故各偏舉其一耳云王及后之赤鳥皆黑飾后之青鳥白飾者以鳥皆對方

以績次為飾故義然也云凡屨之飾如繡次也者亦約  
士冠禮白屨黑約總純之等而知也云黃屨白飾白屨  
黑飾黑屨青飾者此據婦人之屨鞠衣已下之屨故有  
黃屨黑屨也以屨從繡次為飾故知義然也云約謂之  
拘著於舄屨之頭以為行戒者鄭注士冠亦云約之言  
拘也以為行戒狀如刀衣鼻在屨頭言拘取自拘持為  
行戒者謂使低目不妄顧視也云其餘唯服冕衣翟著  
舄耳者服冕謂后以下婦人也云素屨者非純吉有凶  
去飾者下經注散屨與此素屨同是大祥時則大祥除  
衰杖後身服素縞麻衣而著此素屨故云非純吉言去  
飾者經素屨不云總純故知去飾無約總純也云言葛  
屨明有用皮時者士冠禮云夏葛屨冬皮屨此經云葛  
屨據夏而言若冬明用皮故鄭云有用皮時也

辨外內命夫命婦之命屨功屨

散屨

散素但反命夫之命屨纁屨命婦之命屨黃屨  
以下功屨次命屨於孤卿大夫則白屨黑屨九嬪



內子亦然。世婦命婦以黑屨為功屨。女御士妻命屨而已。士及士妻謂再命受服者。散屨亦謂去飾。疏曰：上明王及后等尊者為屨。訖此明臣妻及嬪已下之屨也。言外內命夫案肆師職云：禁外內命男女之衰不中法者。鄭彼注外命男六卿以出也。內命男朝廷卿大夫士也。其妻為外命女。彼外命男則此外命夫。若然，此外命夫其妻為外命婦。鄭雖不注，亦與彼同也。內命婦自是九嬪以下也。又曰：云命夫之命屨者，以其經不云為唯云屨。大夫以上衣冠則有命為無命屨。故知命屨中唯有屨而已。士之命服爵弁則纁屨。故云命屨纁屨而已。云命婦之命屨黃屨以下者，以其外命婦孤妻已下內命婦九嬪已下不得服。舄皆自鞠衣以下。故云黃屨以下言以下者。兼有卿大夫妻及二十七世婦皆展衣白屨。士妻與女御皆祿衣黑屨。故云以下以廣之。云功屨次命屨於孤卿大夫則白屨黑屨者。案司服孤希冕卿大夫玄冕皆以赤舄為命舄。以下仍有韋弁白屨冠弁。

黑屨故云次命屨命屨據婦人而言其實孤卿大夫身則功屨次命鳥也云九嬪內子亦然者九嬪與孤妻內子既以黃屨為命屨功屨之中有襪衣白屨祿衣黑屨故云亦然云世婦以黑屨為功屨者以其皆以襪衣白屨為命屨其功屨唯有祿衣黑屨也云女御士妻命屨而已者以二者唯有祿衣黑屨為命屨而已云士及士妻謂再命受服者案大宗伯云一命受職再命受服但公侯伯之士一命子男之士不命及王之下士皆受職不受服王之中士再命上士三命已上乃受服受服則并得此屨故云再命受服者也云散屨亦謂去飾者據臣言散即上之素皆是無飾互換而言故云謂去飾者也鄭志趙商問司服王后之六服之制自不解請圖之答曰大裘衮衣鷩衣毳衣絺衣玄衣此六服皆纁裳赤鳥韋弁衣以黼皮弁衣以布此二弁皆素裳白鳥冠弁服黑衣裳而黑鳥冠弁玄端褱衣玄鳥首服副從王見先王掄翟青鳥首服副從王見先公闕翟赤鳥首服副

從王見舉小祀鞠衣黃屨首服編以告桑之服禮衣白  
屨首服編以禮見王之服祿衣黑屨首服次以御於王  
之服后服六翟三等三舄玄青赤鞠衣以下三  
屨黃白黑婦人質不殊裳屨舄皆同裳色也 凡四時

之祭祀以宜服之

祭祀而有素屨散屨者唯大祥時  
疏曰言以宜服之者謂各以尊卑所

宜之服服之又曰鄭知此經四時祭祀合有素屨散屨  
者以此經四時祭祀摠結上文諸屨故知有此二屨也  
云唯大祥時者此據外內命夫為王斬衰而言初死著  
菅屨卒哭與齊衰初死同疏屨既練與大功初死同絕  
屨大祥與小功初死同吉屨無紼吉屨無總純是以上  
經注云非純吉故云唯大祥時也但上經據卑云散散  
與素一也

天官

天子玉藻十有二旒前後邃延龍卷以祭

卷音衮 祭先王之服也雖采曰藻天子以五采藻為  
旒旒十有二前後邃延者言皆出冕前後而垂也天子

齊肩延冕上覆也玄表纁裏龍衮畫龍於衣字或作衮  
疏曰天子玉藻者藻謂雜采之絲繩以貫於玉以玉  
飾藻故云玉藻也十有二旒者天子前之與後各有十  
二旒前後遂延者言十二旒在前後垂而深遂以延覆  
冕上故云前後遂延龍卷以祭者卷謂卷曲畫此龍形  
卷曲於衣以祭宗廟又曰知祭先王之服者以司服云  
享先王則衮冕故也云天子齊肩者以天子之旒十有  
二就每一就貫以玉就間相去一寸則旒長尺二寸故  
垂而齊肩也言天子齊肩則諸侯以下各有差降則九  
玉者九寸七玉者七寸以下皆依旒數垂而長短為差  
旒垂五采玉依飾射侯之次從上而下初以朱次白次  
蒼次黃次玄五采玉既貫徧周而復始其三采者先朱  
次白次蒼二色者先朱後綠皇氏沈氏並為此說今依  
用焉後至漢明帝時用曹褒之說皆用白旒珠與古異  
也云延冕上覆也者用三十升之布染之為玄覆於冕  
上出而前後冕謂以板為之以延覆上故云延冕上覆

也但延之與板相著為一延覆在上故云延冕也故弁師注延冕之覆在上是以名焉與此語異而意同也皇氏以弁師注冕延之覆在上以弁師經有冕文故先云冕延之覆在上此經唯有延文故解文延冕上覆今刪定諸本弁師注皆云延冕之覆在上皇氏所讀本不同者如皇氏所讀弁師冕延之覆在上是解冕不解延今案弁師注意云延冕之覆在上是解延不解冕也皇氏說非也云玄表纁裏者纁是朱之小別故周禮鍾氏云三八為纁鄭注士冠禮云朱則四入與是纁朱同類故注弁師朱裏與此不異云字或作袞者案司服作袞字故云或作袞也但禮記之本或作卷字其正經司服及覲禮皆作袞字故鄭注王制云卷俗讀其通則曰袞是也其六冕玉飾上下貴賤之殊並已具王制疏於此略而不言

玄端而朝日於東門之

外聽朔於南門之外

朝直遙反端當為冕字之誤也玄衣而冕冕服之下朝日春分之

時也東門南門謂國門也天子廟及路寢皆如明堂制明堂在國之陽每月就其時之堂而聽朔焉卒事反宿路寢亦如之聽其朔於明堂門中還處路寢門終月凡聽朔必以特牲告其帝及神配以文王武王疏曰知端當為冕者凡衣服皮弁尊次以諸侯之朝服次以玄端案下諸侯皮弁聽朔朝服視朝是視朝之服卑於聽朔今天子皮弁視朝若玄端聽朔則是聽朔之服卑於視朝與諸侯不類且聽朔大視朝小故知端當為冕謂玄冕也是冕服之下案宗伯實柴祀日月星辰則日月為中祀而用玄冕者以天神尚質案魯語云大采朝日少采夕月孔晁云大采謂衮冕少采謂黼衣而用玄冕者孔氏之說非也故韋昭云大采謂玄冕也少采夕月則無以言之云朝日春分之時也者以春分日長故朝之然則夕月在秋分也案書傳略說云祀上帝於南郊即春迎日於東郊彼謂孟春與此春分朝日別朝事儀云冕而執鎮圭帥諸侯朝日於東郊此云朝日於東門

者東郊在東門之外  
遂繼門而言之也

### 諸侯玄端以祭

祭先君也端亦當為冕字之誤

也諸侯祭宗廟之服唯魯與天子同  
疏曰知祭先君者與上天子龍卷以祭其文相類故知祭先君也云端亦當為冕者以玄端賤於皮弁下文皮弁聽朔於大廟不應玄端以祭先君故知亦當為玄冕云唯魯與天子同者索明堂位云君卷冕立于阼夫人副褱立于房中是也態氏云此謂祭文王周公之廟得用天子之禮其祭魯公以下則亦玄冕故云  
公羊云周公白牡魯公騂獬羣公不毛是魯公以下與周公異也二王之後祭其先王亦是用以上之服二王之後不得立  
始封之君廟則祭微子以下亦玄冕  
皮弁以聽朔於大廟  
皮弁下天子也  
疏曰以天子用玄冕諸侯用皮弁故云下天子也  
詳見宗廟聽朔條  
玉藻  
大夫冕而祭於公弁而祭於已士弁而祭於公冠而

祭於已

弁爵弁也冠玄冠也祭於公助君祭也大夫爵弁而祭於已唯孤爾疏曰此一節明大夫士

私祭服大夫冕而祭於公者大夫謂孤也冕絺冕也祭於公謂助君祭也弁而祭於已者弁爵弁也祭於已自祭廟也助祭為尊故服絺冕自祭為卑故服爵弁崔云孤不悉絺冕若王者之後及魯之孤則助祭用絺若方伯之孤助祭則玄冕以其君玄冕自祭不可踰也又曰知弁爵弁也者與士弁連文士弁祭於公爵弁故知大夫弁者亦爵弁也云大夫爵弁而祭於已唯孤爾者以儀禮少牢上大夫白祭用玄冠此亦云弁而祭於已者與少牢異故知是孤知非卿者以少牢禮有士弁而親卿賓尸下大夫不賓尸明卿亦玄冠不爵弁

迎然則士弁而祭於已可也

迎魚敬反緣類欲許之也親迎雖亦已之事攝盛

服爾非常也疏曰士弁而祭於公冠而祭於已者弁謂爵弁也士以爵弁為上故用助祭也冠玄冠為卑也



自祭不敢同助君之服故用玄冠也士弁而親迎然則士弁而祭於已可也者作記之人雖云士冠而祭於已以已既爵弁親迎親迎輕於祭尚用爵弁則士亦當用爵弁自祭於已廟可也言於禮可用也爵弁是記者緣事類欲許之著爵弁又曰以祭親迎事類相似親迎既弁故自祭欲許其著弁其禮不可故鄭云親迎雖亦已之事攝盛服爾非常著之服所以親迎攝盛服者以親迎配偶一時之極故許其攝盛服祭祀常所供養故須依其班序

雜記上

有虞氏皇而祭深衣而養老夏后氏收而

祭燕衣而養老殷人皐而祭縞衣而養老周人冕而祭

玄衣而養老

皐况甫反縞古老反古報反皇冕屬也畫羽飾焉凡冕屬其服皆玄上纁下有虞

氏十二章周九章夏殷未聞凡養老之服皆其時與羣臣燕之服有虞氏質深衣而已夏而改之尚黑而黑衣

裳殷尚白而縞衣裳周則兼用之玄衣素裳其冠則牟  
追章甫委貌也諸侯以天子之燕服為朝服燕禮曰燕  
朝服服是服也王者之後亦以燕服為之魯季康子朝  
服以縞僭宋之禮也天子皮弁以日視朝也牟亡侯  
反追丁雷反疏曰以皇與下冕相對故為冕屬縞周  
禮有設皇卽又云有皇舜皆為鳳凰之字鳳羽五采故  
云畫羽飾之案上注云虞夏之制天子服有日月星辰  
此云夏殷未聞者以臯陶謨謂之虞夏書因彼之成文  
故云虞夏之制其實唯謂虞也云凡養老之服皆其時  
與羣臣燕之服鄭知然者以經云夏后氏燕衣而養老  
周人玄衣而養老周人燕用玄衣故知養老燕羣臣之  
服也云有虞氏質深衣而已者深衣謂白布衣以質用  
白布而已其冠未聞皇氏云以為養老首遠服皇冠崔  
氏云以為與夏同冠未知然否案鄭特牲云大古冠布  
齊則縞之大古則虞氏或用白布冠也云夏而改之尚  
黑而黑衣裳者以殷人尚白用縞衣夏既尚黑燕衣黑

衣也云殷尚白而縞衣裳者縞白色生綃亦名為素此縞衣謂白布深衣也云周則兼用之玄衣素裳者以經云玄衣而養老若衣裳俱玄則與夏不異又儀禮朝服緇布衣素裳緇則玄故為玄衣素裳上養老云周人脩而兼用之故養老之衣亦脩而兼用之云其冠則牟追章甫委貌也者儀禮朝服首著玄冠玄冠即委貌以此推之則殷之朝服則皆著章甫之冠夏之朝服著牟追云諸侯以天子之燕服為朝服者以燕禮諸侯燕臣子用朝服明天子之燕亦朝服也引燕禮曰燕朝服者證朝燕同云服是服也者言燕時服是玄衣素裳之服崔氏云天子燕畿內諸侯以緇衣燕畿外諸侯以玄冠諸侯各以為朝服事無明文不可依也云王者之後亦以燕服為之者玉藻云魯季康子朝服以縞若當時無朝服以縞康子不應服之明是宋人所著故康子偕效之宋既朝服以縞杞當朝服以玄云天子皮弁以日視朝也者玉藻文引之者證天子與諸侯朝服之別案詩頌

弁注云禮天子諸侯朝服以燕天子之朝服以皮弁服以皮弁服燕不用玄衣者詩所謂燕同姓諸公及異姓甥舅等故用皮弁尚質故也若燕其諸侯則用玄衣明諸侯則朝服以日視朝朝服則玄冕素裳也冠禮記云周弁殷嘒夏收鄭云弁名出於祭祭大也言所以自光大也嘒名出於懽懽覆也所以自覆飾也收言所以收斂髮也其制之異亦未聞冠禮記又云委貌周道也章甫殷道也毋追夏后氏之道也鄭注云委猶安也言所以安正容貌章明也殷質言以表明大夫也毋發聲也追猶堆也夏后氏質以其形名之其制之異同未聞

王制 有虞氏服韍夏后氏山殷火周龍章

韍或作黻音弗 韍冕服

之韠也舜始作之以尊祭服禹湯至周增以畫文後王彌飾也山取其仁可仰也火取其明也龍取其變化也天子備焉諸侯火而下卿大夫山士韠章而已韠莫拜反 疏曰易困卦九二爻辭朱韍方來利用享祀是

報為祭服也云天子備焉諸侯火而下卿大夫山士韎韐而已者案士冠禮士韎韐是士無飾推此即尊者飾多此有四等天子至士亦為四等故知卿大夫加山諸侯加火天子加龍明堂位鄉師正歲

稽其鄉器比共吉凶二服

也吉服者祭服也凶服者弔服也此鄉器者

旁使相共則民無廢事上下相補則禮行而教成疏曰正歲稽鄉器者此一句與下為摠目正歲謂建寅之月稽考也鄉師各自考校當鄉之器服云比共吉凶二服者五家為比比長一人主集合五家相共吉凶二服又曰云吉服者祭服也者常比內無祭事其於族祭醕黨祭崇州祭社之等無過用朝服又知凶服是弔服者若衰是常服主人自共其弔服是暫服可以相共故知是弔服其庶人弔服無過素冠與深衣而已云比長主集為之者雖王家之內亦當有官首若非比長主集民不自課故知比長主集為之地官

右祭服 記古者天子諸侯必有公桑蠶室近川

而為之築宮僅有三尺棘牆而外閉之及大昕之

朝君皮弁素積卜三宮之夫人世婦之吉者使入

蠶于蠶室奉種浴于川桑于公桑風戾以食之

許昕

斤反種章勇反戾力計反食音嗣大昕季春朔日之朝也諸侯夫人三宮半王后也風戾之者及

早涼脆采之風戾之使露氣燥乃以食蠶蠶性惡濕脫七歲反惡鳥路反疏曰此一節廣明孝

子報親養蠶為祭服祀先王先公之事公桑蠶室者謂官家之桑於處而築養蠶之室近川而為之者取其浴蠶種便也築宮僅有三尺棘牆而外閉之者築宮謂築養蠶宮牆七尺曰僅言牆之七尺

又有三尺高一丈也傳云雉有三尺雉字者誤也  
棘牆者謂牆上置棘外閉謂廟在戶外閉也大昕  
之朝為季春朔日之朝卜三宮之夫人者諸侯之  
夫人半王后故三宮世婦之吉者亦諸侯世婦卜  
取之吉者前雖則摠舉天子諸侯此特舉諸侯互  
言之奉種浴于川者言蠶將生之時而又浴之初  
於仲春已浴之至此更浴之風戾以食之者戾乾  
也凌早採桑必帶露而濕蠶性惡濕故乾而食之  
歲既單矣世婦卒蠶奉繭以示于君遂獻繭于夫

人夫人曰此所以為君服與遂副禕而受之因少

牢以禮之

單音丹繭古典反與音餘禕音暉歲  
單謂三月盡之後也言歲者蠶歲之大

功事畢於此也副禕王后之服而云夫人記者容  
二王之後與禮之禮奉繭之世婦疏曰歲既單

矣者單盡也三月之末四月之初遂獻繭于夫人者蠶是婦人之事故獻繭于夫人夫人曰此所以為君服與者所舉奉處重遂副祿而受之者既擬于君之祭服故夫人首著副身著祿衣受此所獻之繭因少牢以禮之接獻繭之世婦古之獻繭者其率用此與率音類音

律又所律反與音餘問者之辭

及良日夫人繅三盆手遂布于

三宮夫人世婦之吉者使繅遂朱綠之玄黃之以為黼黻文章服既成君服以祀先王先公敬之至

也

三盆手者三淹也凡繅每淹大揔而手振之以出緒也祭義己上疏見祭義

王

后蠶于北郊以共純服夫人蠶于北郊以共冕服



純創其反 純服亦冕服也 五言之爾純以見繒  
色冕以著祭服東郊少陽諸侯象也 夫人不蠶於

西郊婦人禮少廢也

祭統疏見祭義

一命緼韍幽衡再命赤韍

幽衡三命赤韍葱衡

緼音溫 緼尊祭服

此玄冕爵弁服之言

亦蔽也 緼赤黃之間色所謂韍也 衡佩玉之衡也  
幽讀為黝黑謂之黝青謂之葱周禮公侯伯之卿  
三命其大夫再命其士一命子男之卿再命其大  
夫一命其士不命 韍莫拜反又音妹黝幼糾反

疏曰以上經云君朱大夫素士爵韋是玄端服  
之韠故云此玄冕爵弁服之韠言異於上也 此據  
有孤之國以卿大夫雖三命再命皆著玄冕若無  
孤之國則三命再命之卿大夫皆絺冕不得唯玄  
冕也 爵弁則士所服云尊祭服異其名耳者他服  
稱韠祭服稱韍是異其名韍韠皆言為蔽取蔽郭

之義也知祭服稱黻者案易困卦九二朱紱方來  
利用享祀是祭祀稱黻也案詩毛傳天子純朱諸  
侯黃朱黃朱色淺則亦名赤黻也則大夫赤黻色  
又淺可有虞氏以前直用皮為之後王漸加飾焉  
故明堂位云有虞氏服黻夏后氏山殷火周龍章  
彼注云天子備焉諸侯火而下卿大夫山士黻章  
而已云韞赤黃之間色所謂黻也者案此云一命  
緼紱一命謂公侯伯之士士冠禮爵弁黻韞此緼  
韞則當彼黻韞故云所謂黻也毛詩云黻韞茅蒐  
染齊人謂茅蒐為黻韞聲也茅蒐則蒨草也以蒨  
染之其色淺赤則緼為赤黃之間色子男大夫但  
名緼韞不得為黻韞也以其非士故耳云黑謂之  
黝青謂之蔥者周禮牧人云陰祀用黝牲又孫炎  
注爾雅云黝青黑蔥則青之異色三命則公之卿  
立冕侯伯之卿綈冕  
皆亦就蔥衡 玉藻

周弁殷皐夏收

皐收  
林作綈大

于反齊所服而祭也疏曰言齊及祭時所服也若三命以下齊祭同冠四命以上齊祭則異郊特牲

公父文伯退朝朝其母其母方績文伯曰

以歌之家而主猶績

言家有寵不當績也

懼于季孫之怒也

季孫康子也位尊又為大宗

其母曰王后親織玄統

說云統冠之垂前後

者昭謂統所以縣珥當耳者

公侯之夫人加之以紘綖

既織統又加之

以紘綖也冕曰紘紘纓之無纓者也從下而上不結綖冕上之覆也

卿之內子為大

帶

卿之適妻曰內子大帶緇帶也

命婦成祭服

命婦大夫之妻也祭服玄衣纁裳

列士之妻加之以朝服

列士元士也既成祭服又加之以朝服也朝服天子

之士皮弁素積諸侯之士玄端委貌

自庶士以下皆衣其夫

庶士下士也

士庶人

社而賦事烝而獻功

社春分祭社也事桑之屬也冬祭曰烝而獻五

穀布帛之功也

男女效績愆則有辟古之制也

績功也辟罪也

語魯

孟冬命工師效功陳祭器案度程毋或作為淫巧以蕩

上心必功致為上

霜降而百工休至此物皆成也工師工官之長也效功錄見百工所作器

物也主於祭器祭器尊也度謂制大小也程謂器所容也淫巧謂奢偽怪好也蕩謂搖動生其奢淫

反物勒工名以考其誠

勒刻也刻工姓名於其器以察其信知其不功致

功有

不當必行其罪以窮其情

美而器不堅

功不當者取材

之時冬閑無事百工造作器物恐為淫巧故命工官之長效實百工所造之物陳列祭器善惡索度程者謂攷索此器舊來制度大小及容受程限多少無或作為淫巧者或有也勿得有作過制之巧以搖動在上生奢侈之心必功致為上者言作器不須靡麗華侈必功力密致為上又每物之上刻勒所造工匠之名於後以考其誠信與不若其用材精美而器不堅固則功有不當必行其罪罰以窮其詐偽之情又曰百工造作器物則諸器皆營今經直主於祭器祭器尊云度謂制大小程謂器所容者以經度程文別度是制度大小除制度之外唯器所容也

月令

典瑞大祭祀共其玉器而奉

之玉器謂四圭裸圭之屬疏曰大祭祀兼有天地宗廟故鄭云四圭裸圭云奉之者送向所行禮之處也

又曰鄭知玉器謂四圭裸圭者上已釋禮神曰器經云玉器故知非瑞是禮神者也云之屬者兼有兩圭璧圭

璋邸之等也

春官

司巫祭祀則共匱主及道布及菹館

匱音丹

杜子春云菹讀為鉏匱器名主謂木主也道布新布三尺也鉏藉也館神所館止也書或為菹館或為租飽或曰布者以為席也租飽茅裹肉也玄謂道布者為神所設巾中霤禮曰以功布為道布屬于几也菹之言藉也祭食有當藉者館所以承菹謂若今筐也主先匱菹後館互言之者明共主以匱共菹以筐大祝取其主菹陳之罷則退也士虞禮曰苴刈茅長五寸實于筐饌于西坵上又曰祝盥取苴降洗之升入設于几東席上東縮藉苴夜反租飽上音緇又音巷下音苞又音弭沈音子餘反為神于偽反疏曰子春所解及讀字唯解匱罷名一事後鄭從之自餘並義無所取後鄭不從玄謂道布者為神所設巾即引中霤禮以功布為道布屬於

几是也云菹之言藉也祭食有當藉者謂常藉所當之  
食云館所以承菹謂若今筮也者筮所以盛菹也云主  
先匱菹後館互言之者謂主先匱器在上者欲見以匱  
器盛主來向祭所大祝取得主匱器即退菹後言館器  
欲見大祝取得菹館器退明亦初以館盛菹來互言之  
是以鄭云明共主以匱共菹以筮大祝取其主菹陳之  
器則退也二事雙解之引士虞禮曰苴刈茅長五寸實  
於筮饌于西坵上者刈切也切之長五寸又陳之西坵  
者堂西南隅謂之坵饌陳於此未用前又曰祝盥升取  
苴降洗之升入設於几東席上東縮者士虞禮設席於  
奧禮神東面右几故設于几東席上東縮縮緹也據神  
東面為正東西設之故言東縮引之者見苴是藉祭之  
物上

**掌蜃祭祀共蜃器之蜃**  
曰凡四方山川用蜃器

春秋定十四年秋天王使石尚來歸蜃蜃之器以蜃飾  
因名焉鄭司農云蜃可以白器令色白疏曰經直云

蜃器之蜃鄭抱云祭器之屬不辨宗廟及社稷之器則宗廟社稷皆用蜃飾之知義然者案此注引左傳云石尚來歸蜃公羊以為宜社之肉以蜃器而盛肉故名肉為蜃是社祭之器為蜃也大行人云歸蜃以交諸侯之福彼則宗廟社稷之器物謂之為蜃是其宗廟社稷之器皆蜃灰飾之事也地官凌人祭祀

共冰鑑

凌去聲不以鑑往嫌使停膳羞疏曰此云祭祀者謂天地社稷及宗廟之等皆共鑑又曰

冰若有鑑則冰不銷釋食得停久故鄭云不以鑑往嫌使停膳羞天官

伊耆氏掌國之

大祭祀共其杖咸

咸讀為函老臣雖杖於朝事鬼神尚敬去之有司以此函藏之既事乃授

之函音咸去起呂反

共杖函止謂祭祀時臣雖老合杖但為祭祀尚敬暫去

之去杖之時共杖函咸之祭祀訖還與老臣拄之老臣雖杖於朝事鬼神尚敬去之謂七十有德君不許致仕



者也王制云七十杖於國八十杖於朝謂得致仕者異此也

秋官

鄉師正歲稽其鄉

器比共吉凶二服間共祭器鄉共吉凶禮樂之器

者祭服

服也凶服者弔服也比長主集為之祭器者簋簠鼎俎之屬閭胥主集為之喪器者夷槃素俎楬豆軋軸之屬族師主集為之比三者民所以相共也射器者弓矢楅中之屬黨正主集為之為州長或時射於比黨也賓器者尊俎笙瑟之屬州長主集為之為卿大夫或時賓賢能於此州也吉器若閭祭器者也凶器若族喪器者也禮樂之器若州黨賓射之器者卿大夫備集此四者為州黨族閭有故而不共也此鄉器者旁使相共則民無廢事上下相補則禮行而教成楬若瞻反軋九勇反楬音福又音逼疏曰正歲稽鄉器者此一句與下為摠目正歲謂建寅之月稽考也鄉師各自考校當鄉之器服云比共吉凶二服者五家為比比長一人主集合

五家相共吉凶二服云閭共祭器者二十五家為閭閭  
胥一人主集合祭器使相共云鄉共吉凶禮樂之器者  
萬二千五百家為鄉鄉大夫主集此四器恐州黨已下  
有故不能自共即旁相共也又曰云吉服者祭服也者  
當比內無祭事其於族祭醕黨祭禁州祭社之等無過  
用朝服又知凶服是弔服者若人衰裳是常服主人自  
共其弔服是替服可以相共故知是弔服其庶人弔服  
無過素冠與深衣而已云比長集為之者雖五家之內  
亦當有官首若非比長主集民不自課故比長主集為  
之云祭器簋簠者案特牲同姓用簋少牢皆用敦同姓  
者乃用簋今言簋者況義耳云喪器夷盤者案喪大記  
士併瓦盤大夫乃用夷盤今庶人實不得用夷盤引之  
者以況喪器非謂庶人得用夷盤也云素俎楬豆者案  
士喪禮小斂有素俎大斂有楬豆兩遂無膳此不言遷  
無膳者文略也云輶軸之屬者案既夕禮士朝廟用輶  
軸以載柩此庶人無輶軸引之者亦以況義知非族內

有大夫士得用夷盤軹軸者以其大夫自有祿位不在  
共限故知引以況義不言棺槨亦主人自共之也故閭  
師云不樹者無槨此三者並是罰物所為知者案載師  
職云宅不毛者有里布田不耕者有屋粟鄭玄云罰之  
以共吉凶二服及喪器鄭不云祭器文略有祭器可知  
鄭知必用罰物不用官物為之者以其不為官事明不  
用官物可知云射器者弓矢槁中之屬者案鄉射大射  
皆云執張弓挾乘矢槁在庭中射訖命弟子取矢置于  
槁以八算置于中上則鹿中之等是也云之屬者之屬  
中容有侯之等云為州長或時射于此黨也者一州管  
五黨州長春秋二時射于序學要在一黨之中故云或  
時射於此黨又云賓器者尊俎笙瑟之屬者案鄉飲酒  
三年貢士之時行飲酒之禮即有酒尊俎實二人鼓瑟  
在堂笙人在於堂下故言尊俎笙瑟言之屬者更有籥  
豆之等云為鄉大夫或時賓賢能於此州也者一鄉管  
五州鄉大夫行鄉飲酒之時必在一州之內此州則共

之故云或時賓賢能於此州也云吉器若閭祭器也者凶器若族喪器也者以其鄉大夫備集此四器恐閭族已下有故不得自共故知還是閭族黨周所當共者也故云吉器若閭祭器者也凶器若族喪器者也云禮樂之器若州黨賓射之器連州黨并言之者以其州黨射器賓器二者皆有禮器樂器故州黨并言之自射器已下皆為國行禮得官物所為不出民物故酒正云凡為公酒者亦如之注云謂鄉射飲酒以公事作酒者亦以式法及酒材授之使自釀之酒材尚得公物明此器等亦出官物可知以其為官行禮故也云上下相補者自比共吉凶二服至州共賓器已上是下之相補鄉共吉凶禮樂之器者是上之相補云禮行而教成者庶民乏於財物關於禮儀教化不成今以器服共之即禮行而教成也

大夫祭器不假

祭器未成不造燕器

造為也疏曰皇氏云此謂有地大夫故祭器不假若無地大夫則

當假之故禮運云大夫祭器不假聲樂  
皆具非禮也謂無地大夫也 王制

大夫士去國

祭器不踰竟

竟音境 親也

疏曰此以下明人臣三諫不從去

國之禮祭器不踰竟者既明出禮先從重物為始也踰  
越也此祭器是君祿所造今既放出故不得自隨越竟  
也注云此用君祿所作取以出竟恐辱親也無德而出  
若猶濫用其器是辱親也隱義云嫌見奪故云恐辱親  
也大夫寓祭器於大夫士寓祭器於士 寓寄也與得用  
者言寄親已後

還 疏曰大夫寓祭器於大夫士寓祭器於士者寓猶  
寄也既不將去故留寄其同僚必寄之者冀其役還得  
用也魯季友奔陳國人復之傳曰季子來歸是也又曰  
寓寄也與得用者寄親已後還者此解言寄之義也夫  
物不常用則生蟲蠹故寄於同官令彼得用不  
使毀敗冀還復用大夫士義皆然也 曲禮下 君子

雖貧不粥祭器雖寒不衣祭服為宮室不斬於丘木

粥音

育衣於既反廣敬鬼神也

君子敬則用祭器

謂朝聘待

粥賣也丘壟也曲禮下

賓客崇敬不敢用燕器也

朝直遙反

疏曰

君子敬

則用祭器者嫌事稍異於上

故更稱敬則用祭器者言

慎重其大事心有恭敬則用

祭器言慎重其事也表記

祭服敝則焚之祭器敝

則埋之龜筮敝則埋之牲死則埋之

此皆不欲人棄之也焚之必已不用

埋之不知鬼神之所為

疏曰若不焚埋之或用之為

褻慢鬼神之物所以焚之埋之異者服是身著之物故

焚之牲器之類並為鬼神之用雖敗不知鬼神用與不

用故埋之埋之猶在焚之則消故焚埋異也

曲禮上

右祭器

記凡家造祭器為先犧賦為次養器為

後造才早反養羊尚反一如字 大夫稱家謂家  
始造事犧賦以稅出牲 疏曰此一節總論大

夫所造祭器衣服井明祭器所寄之事各依文解  
之凡家造為大夫始造家事也大夫稱家祭器為

先者崇敬祖禰故在先犧賦為次者諸侯大夫少  
牢此言犧謂牛即是天子之大夫祭祀賦斂邑民

供出牲牢故曰犧賦養器為後者養器供養人之  
飲食器也自賸為私宜後造然諸侯言宗廟大夫

言祭器諸侯言廡庫居室大夫言犧賦養器者互  
言也此據有地大夫故得造祭器若無田祿者但

為祭服耳其有地大夫祭器祭服俱造則先造祭  
服乃造祭器此言祭器為先者對犧賦養器為先

其實在祭 無田祿者不設祭器有田祿者先為祭  
服之後

服祭器可假祭服宜自有 疏曰嚮明得造祭器  
此明不得造者不同也若大夫及士有田祿乃

得造器猶不具唯天子大夫四命以上者得備具若諸侯大夫非四命無田祿則不得造故禮運云大夫聲樂皆具祭器不假非禮也據諸侯大夫言之也熊氏以禮運據天子大夫得造不得具非也有田祿者先為祭服者若自田祿雖得造器而先為祭服後為祭器耳所以然者緣人形參差衣服有大小不可假借故宜先造而祭器之品量同官可以共有以其制同既可暫假故營之在後曲

禮下

大夫具官祭器不假聲樂皆具非禮也

臣之奢富

擬於國君敗亂之國也孔子謂管仲官事不攝焉得儉焉於虔反疏曰大夫具官者天子

六卿諸侯三卿卿大夫若有地者則置官一人用兼攝羣職不得官官各須具足如君也故孔子譏管仲云官事不攝焉得儉是也祭器不假者凡大夫無地則不得造祭器有地雖造而不得



具足並須假借若不假者唯公孤以上得備造故周禮四命受器鄭云此公之孤始得有祭器者也又云王之下大夫亦四命聲樂皆具也者大夫自有判縣之樂而不得如三桓舞八佾一曰大夫祭不得用樂者故少牢饋食無奏樂之文唯君賜乃有之非禮也者若大夫並為上事則為非禮也

禮運

泰有虞氏之尊也山罍夏后氏之尊也著殷尊

也犧象周尊也

著直略反疏曰此一經明魯四代尊也虞

泰用瓦著著地無足

尊用瓦名泰也然或用三代或用四代者隨其禮存者而用之耳無別義也山罍夏后氏之尊也者罍猶雲雷也畫為山雲之形也著殷尊也者無足而底著地故謂為著也然殷尊無足則其餘泰罍犧並有足也犧象周尊也者畫沙朋及象骨飾尊也然殷名著周名犧象而禮記云君西酌犧象亦

是周禮也又曰以考工記云有虞氏尚陶  
檀弓又云有虞氏瓦棺故知秦尊用瓦也  
爵夏后

氏以琖殷以斚周以爵

斚音嫁又古雅反 斚畫  
禾稼也詩曰洗爵奠斚

疏曰此一經明魯有三代爵並以爵為形故并標  
名於其上夏后氏以琖者夏爵名也以玉飾之故  
前云爵用玉琖仍雕是也殷以斚者殷亦爵形而  
畫為禾稼故名斚也周以爵者皇氏云周人  
但用爵形而不畫飾案周禮大宰贊玉几玉爵然  
則周爵或以玉為之或飾之以玉皇氏云周爵無  
飾失之矣  
灌尊夏后氏以雞夷殷以斚周以黃目其勺

夏后氏以龍勺殷以疏勺周以蒲勺

夷讀為羹周  
禮春祠夏禴

裸用雞彝鳥彝秋嘗冬烝裸用斚彝黃彝龍龍頭  
也疏通刻其頭蒲合蒲如龜頭也 疏曰此一節

明魯有三代灌尊及所用之勺夏后氏以雞夷者夷即彝彝法也與餘尊為法故稱彝雞彝者或刻木為雞形而畫雞於彝殷以罍者鄭司農云畫為禾稼周以黃目者以黃金為目皇氏云夏后氏以瓦泰之上畫以雞彝殷著尊畫為稼彝然尊彝別作事不相依而皇氏以當代之尊為彝文無所據假因當代尊為彝則夏后氏當因山罍不得因虞氏瓦泰皇氏之說其義並非也夏后氏以龍勺者勺為龍頭殷以疏勺者疏謂刻鏤通刻勺頭周以蒲勺者皇氏云蒲謂合蒲當刻勺為龜頭其口微開如蒲草本合而末微開也又曰引周禮春祠夏禴以下司尊彝職之文云春祠夏禴裸用雞彝鳥彝者雞彝盛明水鳥彝盛鬱鬯也秋嘗冬烝裸用罍彝黃彝者義亦然必知一時之祭並用兩彝者以下云朝踐用兩犧尊再獻用兩象尊犧象不可即為二時故知兩彝祇當一節皇氏沈氏並云春

用雞彘夏用鳥彘秋用犂彘冬用黃彘春屬雞夏屬鳥秋屬收禾稼冬屬玄黃色故用其尊皇氏等此言文無所出謂言及於數非實論也種曰稼斂曰穡秋時不得稱稼月令季秋草木黃落冬即色玄不得用黃彘也下追享朝享用虎彘彘追享謂祈禱也朝享謂月祭也若有所法則四時不同何以獨用虎堆又崔氏義宗廟祫祭用十八尊祫在秋禘祭用十六尊禘在夏也是一時皆數兩彘得為十八十六若每時用唯有一彘祇有虞氏之十七十五是知皇氏等之說其義非也

兩敦夏后氏之四璉殷之六瑚周之八簋敦音對又都雷

反璉力展反 皆黍稷器制之異同未聞 疏曰簋是黍稷之器 敦與瑚璉共簋簋連文故云黍稷器也案鄭注周禮舍人云方曰簋圓曰簋此云未聞者謂瑚璉之器與簋異同未聞也鄭注論語云

夏曰瑚殷曰璊不同者皇氏云鄭注論語誤也此言兩敦四璊六瑚一蓋者言魯之所得唯此耳

俎有虞氏以梲夏后氏以蕨殷以柎周以房俎

梲苦

管反蕨居衛反柎俱甫反梲斷木為四足而已蕨之言屨也謂中足為橫鉅之象周禮謂之距柎

之言枳槩也謂曲橈之也房謂足下跗也上下兩間有似於堂房魯頌曰籩豆大房斷丁亂反丁

管反屨俱衛反橫古曠反又音光又華盲反枳吉氏反橈音擾附方于反疏曰知梲斷木為四足

者以虞氏尚質未有餘飾故知但有四足而已云謂中足為橫鉅之象者以言蕨謂足以橫屨故鄭

讀蕨為屨謂足橫辟不正也今俎足間有橫似有橫屨之象故知足中央為橫鉅之象言雖有距以

距外物今兩足有橫而相距也云周禮謂之距者非周禮正文言周代禮儀謂此俎之橫者為距故

少牢禮腸三胃三長皆及組距是也云棋之言枳  
棋也謂曲橈之也者棋枳之樹其枝多曲橈故陸  
璣草木疏云棋曲來巢殷組似之故云曲橈之也  
云房謂足下附也上下兩間有似於堂房者案詩  
注云其制足間有橫下有枂似乎堂後有房然如  
鄭此言則組頭各有兩足足下各別為附足間橫  
者似堂之壁橫下二枂似堂之東西頭各有房也  
但古制難識不可悉知南北諸儒亦無委曲解之  
今依鄭注略為夏后氏以楬豆殷玉豆周獻豆

楬苦

賂反苦八反獻素何反楬無異物之飾也獻疏  
刻之齊人謂無髮為禿楬疏曰獻音娑娑是市

疏之義故為疏  
刻之明堂位

圭璧金璋不弼於市宗廟之器

不弼於市

弼音育尊物非民所宜有弼責也  
疏曰言圭璧金璋皆是尊貴所合蓄之

物非民所宜有防民之僭偽也 王制

大胥凡祭祀之用樂者以鼓徵學士

擊鼓以召之文王世子曰大昕鼓徵

所以警衆 疏曰祭祀言凡者則天地宗廟之祀用樂舞之處以鼓召學士選之當舞者住舞焉舞師云小祭祀不與舞注云小祭祀王玄

冕所祭則亦不徵學士也

序宮中之事

春官

典庸器

掌藏樂器及祭祀則帥其屬而設筭簾

設筭簾視瞭當以縣樂器焉杜

子春云筭讀為博選之選橫者為筭從者為錄從子容反錄音巨或作虞 疏曰鄭知此設筭簾視瞭當以

縣樂器焉者累視瞭職云掌大師之縣此直云設筭簾明是視瞭縣之可知子春云筭讀為博選之選者此當俗

讀當時語者有博選之言故讀從之也 同上

大司樂以六律六同五聲八

音六舞大合樂以致鬼神示以和邦國以諧萬民以安

賓客以說遠人以作動物

說音悅六同合陰

六律合陽聲者也此十二者

以銅為管轉而相生黃鍾為首其長九寸各因而三分之上生者益一分下生者去一焉國語曰律所以立均出度也古之神瞽考中聲而量之以制度律均鍾言以中聲定律以律立鍾之均大合樂者謂偏作六代之樂以冬日至作之致天神人鬼以夏至作之致地示物魑動物羽羸之屬虞書云夔曰夔擊鳴球搏拊琴瑟以詠祖考來格虞賓在位皋后德讓下管鼗鼓合止祝敔笙鏞以間鳥獸賡賡簫韶九成鳳凰來儀夔又曰於予擊石拊石百獸率舞庶尹允諧此其於宗廟九奏效應上生時掌反去一起呂反度待洛反拊方甫反敵魚呂反間間廁之間賡書作賡七羊反疏曰鄉來說大司樂教國子以樂自此以下論用樂之事也云以六律



六同者此舉十二管以表其鍾樂器之中不用管也云  
大合樂者據薦腥之後合樂之時用之也此所合樂即  
下云若樂六變若樂八變若樂九變之等彼據祭天下  
神此據正祭合樂若然合樂在下神後而文退下神樂  
在後者以下神用一代樂此用六代六代事重故進之  
在上若然下神不亞合樂而隔分樂之後者以分樂序  
之皆用一代此三禘下神亦用一代若不隔分樂恐其  
相亂且使一變二變之等與分樂所用樂同故三神在  
下也云以致鬼神示者是據三禘而言云以和邦國已  
下亦據三禘之祭各包此數事故鄭引虞書以證宗廟  
又曰云六律合陽聲者也六同合陰聲也者案大師云  
掌六律六同以合陰陽之聲是以據而言焉云此十二  
者以銅為管者案典同先鄭云陽律以竹陰律以銅後  
鄭云皆以銅為與此注義同也云轉而相生已下據律  
歷志而言子午已東為上生子午已西為下生上生為  
陽陽主息故三分益一下生為陰陰主減故三分去一

案律歷志黃鍾為天統律長九寸林鍾為地統律長六寸太簇為人統律長八寸又云十二管相生皆八八上生下生盡於中呂陰陽生於黃鍾始而左旋八八為位者假令黃鍾生林鍾是歷八辰自此已下皆然是八為位蓋象八風也國語者案彼景王將鑄無射問律於伶州鳩鳩對曰律所以立均出度古之神瞽考中聲而量之以制度律均鍾百官執儀鄭引之者欲取以六律六同均之以制鍾之大小須應律同也故鄭云言以中聲定律以律立鍾之均也云中聲謂上生下生定律之長短度律以律計自倍半而立鍾之均均即是應律長短者也云大合樂者謂偏作六代之樂者此經六樂即上六舞故知偏作六代之樂言偏作樂不一時俱為待一代訖乃更為故云偏作也云以冬至日作之至物彫皆神仕職文案彼注致人鬼於祖廟致物彫於禋壇蓋用祭天地之明日若然此經合樂據三禘正祭天而引彼天地之小神及人鬼在明日祭之者但彼明且所

祭小神用樂無文彼神既多合樂之時當與此三禘正祭合樂同故彼此文同稱致但據彼正祭祭天地大神無宗廟之祭祭天明日兼祭人鬼與此為異也云動物羽羸之屬者鄭不釋邦國之等直釋動物者以尚書不言動物故釋訖乃引尚書鳥獸之等證之也虞書者案古文在舜典是舜祭宗廟之禮案彼鄭注夏禘也禘擊鳴球已下數器鳴球即玉磬也搏拊以韋為之裝之以糠所以節樂云以詠者謂歌詩也云祖考來格者謂祖考之神來至也云虞賓在位者謂舜以為賓即二王後升朱也云羣后德讓者謂諸侯助祭者以德讓已上皆宗廟堂上之樂所感也云下管鼗鼓已下謂舜廟堂下之樂故言下云合止祝敔者合樂用祝祝狀如漆簞中有椎搖之所以節樂敔狀如伏虎背有刻以物標之以止樂云笙鏞以間者東方之樂謂之笙笙生也東方生長之方故名樂為笙也鏞者西方之樂謂之鏞庸功也西方物熟有成功亦謂之頌亦是頌其成也以間者

欽定四庫全書

卷二十八上

七

堂上堂下間代而作云鳥獸踏踏者謂飛鳥走獸踏踏然而舞也云簫韶九成鳳凰來儀者韶舜舞也若樂九變人鬼可得而禮故致得來儀儀匹謂致得雄曰鳳雌曰凰來儀止巢而乘匹案此下文六變致象物象物有象在天謂四靈之屬四靈則鳳凰是其一此六變後九成者其實六變致之而言九者以宗廟九變為限靈鳥又難致之物故於九成而言耳云夔曰於予擊石拊石百獸率舞者此於下文別而言之故云又曰夔語舜云磬有大小予擊大石磬拊小石磬則感百獸相率而舞云庶尹允諧者庶衆也尹正也允信也言樂之所感使衆正之官信得其諧和云此其於宗廟九奏之效應者此經總言三禘大祭但天地大祭效驗無文所引尚書唯有宗廟故指宗廟而言也然尚書云祖考即此經致鬼也虞賓即此經以安賓客羣后德讓即此經邦國也鳥獸鳳凰等即此經動物也庶尹允乃分樂而序之以諧即此經以諧萬民以說遠人也

祭以享以祀

分謂各用一代之樂疏曰此與下諸文為總目上總云六舞今分此六代之舞尊

者用前代卑者用後代使尊卑有序故云序若然經所先云祭地後云祀天者欲見不問尊卑事起無常故倒文以見

乃奏黃鍾歌大呂舞雲門以祀天神

以黃鍾之鍾大呂之

義也

聲為均者黃鍾陽聲之首大呂為之合奏之以祀天神尊之也天神為五帝及日月星辰也王者又各以夏正月祀其所受命之帝於南郊尊之也孝經說曰祭天南郊就陽位是也正音征疏曰此黃鍾言奏大呂言歌者云奏據出聲而言云歌據合曲而說其實歌奏通也知不言歌歌據堂上歌詩合大呂之調謂之歌者春秋左氏傳云晉侯歌鍾二肆取半以賜魏絳絳絳於是乎有金石之樂彼據磬列肆而言是不在歌詩亦謂之歌明不據偏歌毛詩也襄四年晉侯饗穆叔云奏肆夏歌文王大明綿亦此類也又曰云以黃鍾之鍾大呂之

聲者以經云奏奏者奏擊以出聲故據鍾而言大呂經云歌歌者發聲出音故據聲而說亦互而通也言為均者案下文云凡六樂者文之以五聲播之以八音鄭云六者言其均皆待五聲八音乃成也則是言均者欲作樂先擊此二者之鍾以均諸樂是以鍾師云以鍾鼓奏九夏鄭云先擊鍾次擊鼓論語亦云始作翕如也鄭云始作謂金奏是凡樂皆先奏鍾以均諸樂也必舉此二者以其配合是以鄭云黃鍾陽聲之首大呂為之合也言合者此據十二辰之斗建與日辰相配合皆以陽律為之主陰呂來合之是以大師云掌六律六同以合陰陽之聲注云聲之陰陽各自合黃鍾子之氣也十一月建焉而辰在星紀大呂丑之氣也十二月建焉而辰在玄枵太簇寅之氣也正月建焉而辰在娵訾應鍾亥之氣也十月建焉而辰在析木巳後皆然是其斗與辰合也云奏之以祀天神尊之也者以黃鍾律之首雲門又黃帝樂以尊祭尊故云尊之也云天神謂五帝及日月

星辰也者案下云若樂六變天神皆降是昊天則知此天神非天帝也是五帝矣知及日月星者案大宗伯昊天在禮祀中日月星辰在實柴中鄭注云五帝亦用實柴之禮則日月星與五帝同科此下文又不見日月星別用樂之事故知此天神中有日月星辰可知其司中已下在煇燎中則不得入天神中故下文約與四望同樂也云王者又各以夏正月祀其所受命之帝於南郊尊之也者案易緯乾鑿度云三王之郊一用夏正郊特牲云兆日於南郊就陽位大傳云王者禘其祖之所自出以其祖配之若周郊東方靈威仰之等是王者各以夏正月祀其所受命之帝於南郊特尊之也云孝經說者說即緯也時禁禘故云說引之證與郊特牲義同皆見郊所感帝用樂與祭五帝不同乃奏大簇歌應鍾舞咸異以其所郊天亦是五帝故也

**池以祭地示**  
大音太 大簇陽聲第二應鍾為之合咸池大咸也地祇所祭於北郊謂神州之神

及社稷 疏曰地祇卑於天神故降用大蕤陽聲第二  
及咸池也又曰云大蕤陽聲第二應鍾為之合者以黃鍾  
之初九下生林鍾之初六林鍾之初六上生大蕤之九  
二是陽聲之第二也大蕤寅之氣也正月建焉而辰在  
艮營應鍾亥之氣也十月建焉而辰在析水是應鍾為  
之合也云咸池大咸也者此云咸池上文云大咸以為  
一物故云大咸也云地祇所祭於北郊謂神州之神者  
以其下文若樂八變者是崑崙大地即知此地祇非大  
地也是神州之神可知案河圖括地象云崑崙東南萬  
五千里曰神州是知神州之神也知祭於北郊者孝經  
緯文以其與南郊相對故也知及社稷者以六冕差之  
社稷雖在小祀若薦祭言之大宗伯云以血祭祭社稷  
五祀五嶽用血與郊同又在五嶽之上故知乃奏姑洗  
用樂亦與神州同謂若日月星與五帝同也乃奏姑洗  
歌南呂舞大磬以祀四望 姑洗陽聲第三南呂為之合  
四望五嶽四鎮四寶此言祀



者司中司命風師雨師或亦用此樂與實本又作瀆  
音獨與音餘疏曰四望又卑於神州故降用陽聲第  
三及用大磬也又曰云姑洗陽聲第三南呂為之合者  
以其南呂上生姑洗之九三是陽聲第三也姑洗辰之  
氣也三月建焉而辰在大梁南呂酉之氣也八月建焉  
而辰在壽星是南呂為之合也云四望五嶽四鎮四寶  
者以大宗伯五嶽在社稷下山川上此文四望亦在社  
稷下山川上故知四望是五嶽四鎮四寶也云此言祀  
者司中司命風師雨師或亦用此樂與者以此上下更  
不見有司中等用樂之法又案大宗伯天神云祀地祇  
云祭人鬼云享四望是地祇而不云祭而變稱祀明經意  
本容有司中等神故變文見用樂也無正文故云或與  
以疑乃奏蕤賓歌函鍾舞大夏以祭山川蕤人誰反  
之也乃奏蕤賓歌函鍾舞大夏以祭山川蕤賓陽聲第  
四函鍾為之合函鍾一名林鍾疏曰云蕤賓陽聲第  
四者應鍾之六三上生蕤賓之九四是陽聲第四也云

函鍾為之合者辨寅午之氣也五月建焉而辰在鶉首  
函鍾未之氣也六月建焉而辰在鶉火是函鍾為之合  
也云函鍾一名林鍾者此周禮言函  
鍾月令云林鍾故云一名林鍾也  
乃奏夷則歌小呂

舞大濩以享先妣

夷則陽聲第五小呂為之合小呂一  
名中呂先妣姜嫄也姜嫄履大人跡

感神靈而生育是周之先母也周立廟祀后稷為始  
祖姜嫄無所妃是以特立廟而祭之謂之閼宮閼神之

中音仲

亦如守妃本亦作配

疏曰案祭法王立七

廟考廟王考廟皇考廟顯考廟祖考廟皆月祭之二祧

享嘗乃止不見先妣者以其七廟外非常故不言若祭

當與二祧同亦享嘗乃止若追享自然及之矣云夷則

陽聲第五者以其大呂之六四下生夷則之九五為陽

聲之第五也云小呂為之合者以其小呂已之氣也四

月建焉而神在寶沈夷則中之氣也七月建焉而辰在

鶉尾是其合也云小呂一名中呂者此周禮言小呂月

令言中呂故云一名中呂也云先妣姜嫄也姜嫄履大  
人跡感神靈而生后稷者詩云履帝武敏歆毛君義與  
史記同以為姜嫄帝嚳妃履帝武敏歆謂履帝嚳車轍  
馬跡生后稷后稷為帝嚳親子鄭君義依命歷序帝嚳  
傳十世乃至堯后稷為堯官則姜嫄為帝嚳後世妃而  
言履帝武敏歆者帝謂天帝也是以周末紀云姜嫄出  
野見聖人跡心悅忻然踐之始如有身動而孕居期生  
子是鄭解聖人跡與毛異也云是周之先母者生民詩  
序云生民尊祖也后稷生於姜嫄文武之功起於后稷  
是周之子孫功業由后稷欲尊其祖當先尊其母故云  
周之先母也云周立廟自后稷為始祖姜嫄無所妃者  
凡祭以某妃配周立七廟自后稷已下不得更立后稷  
父廟故姜嫄無所妃也云是以特立廟而祭之者以其  
尊敬先母故特立婦人之廟而祭之云謂之閼宮閼神  
之者案閼宮詩云閼宮有恤實實枚枚毛云在周常閉  
而無事與此祭先妣義違故後鄭不從是以鄭云特立

廟而祭之但婦人稱宮處在幽靜故名廟為閼宮據其神則曰閼神也若然分樂序之尊者用前代其先妣先祖服袞冕山川百物用玄冕今用樂山川在先妣上者以其山川外神是自然之神先祖生時曾事之故樂用前代乃奏無射歌夾鍾舞大武以享先祖

射音亦夾古洽反無射

陽聲之下也夾鍾為之合夾鍾一名圜鍾先祖謂先王先公疏曰云無射陽聲之下也者以其夾鍾之六五生無射之上九是陽聲之下也云夾鍾為之合者以其夾鍾卯之氣也二月建焉而神在降婁無射戌之氣也九月建焉而辰在大火亦是其合也云夾鍾一名圜鍾者下文云圜鍾為宮是一名圜鍾也云先祖謂先王先公者鄭據司服而言但司服以先王先公服異故別凡言此則先王先公樂同故合說以其俱是先祖故也

六樂者文之以五聲播之以八音

六者言其均皆待五聲八音乃成也播之

言被也故書播為籥杜子春云籥讀為播讀如后稷播  
百穀之播疏曰云六者言其均也謂若黃鍾為宮自  
與已下徵商羽角等為均其絲數五聲各異也或解以  
為均謂樂器八音之等若然何得先云言其均始云皆  
待五聲八音乎明言其均者以為六者各據為首與下  
四聲為均故云皆待五聲八音乃成也云播之言被也  
者謂若光被四表是取被及之義也子春云播為后稷  
播百穀之播者讀從詩云其始播百穀是后稷之事也  
凡六樂者一變而致羽物及川澤之示再變而致羸物  
及山林之示三變而致鱗物及丘陵之示四變而致毛  
物及墳衍之示五變而致介物及土示六變而致象物  
及天神變猶更也樂成則更奏也此謂大蜡索鬼神而  
致百物六奏樂而禮畢東方之祭則用大荔姑

洗南方之祭則用麋實西方之祭則用麋則無射北方之祭則用黃鍾為均焉每奏有所感致和以來之凡動物敏疾者地祇高下之甚者易致羽物既飛又走川澤有孔竅者蛤蟹走則避墳衍孔竅則小矣是之所以舒疾之分土祇原隰及平地之神也象物有象在天所謂四靈者天地之神四靈之知非德至和則不至禮運云何謂四靈麟鳳龜龍謂之四靈龍以為畜故魚鼈不淦鳳以為畜故鳥不獨麟以為畜故獸不狝龜以為畜故人情不失易以鼓反分扶問反知音智畜許又反鼈于軌反淦音審猶休律反狝休越反疏曰此一變至六變不同者據難致易致前後而言案大司徒五地之物生動植俱有此言動物不言植物者據有情可感者而言也又曰云變猶更也者燕禮云終尚書云成此云癡孔注尚書云九變而致不同者凡樂曲成則終變更也終則更奏各據終始而言是以鄭云樂成則更奏也云此謂大蜡索鬼神而致百物者案郊特牲云蜡也者

索也歲十二月合聚百物而索饗之也鄭云歲十二月周之正數謂建亥之月也五穀成於神有功故報祭之鄭必知此據蜡祭者此經總祭百神與蜡祭合聚萬物之神同故知蜡也云六奏樂而禮畢者下云若樂六變而天神皆降此經亦六變致天神故云六奏樂而禮畢也云東方之祭則用太簇云云此鄭知四方各別祭用樂不同者以郊特牲云八蜡以記四方又云四方年不順成八蜡不通順成之方其蜡乃通是四方各有八蜡故知四方用樂各別也云每奏有所感致和以來之者總釋地祇與動物之神來雖有遲疾皆由以樂和感之云凡動物敏疾者地祇高下之甚者易致者言此欲見先致者皆由其神易致故也云羽物既飛又走川澤有孔竅者此經羽物共川澤一變致之是其羽物飛川澤有孔竅故也自樂再變已下差緩云蛤蟹走則蹏蹏行孔竅則小矣者以其墳衍在丘陵後介物在毛物後由是走蹏竅小故也云是其舒疾之分者謂就此羽物以下

介物以上先致者疾之分後致者舒之分故有前後也  
云土祇原隰及平地之神也者此已下說大地及四靈  
非直以樂兼有德民和乃致也鄭知土祇中有原隰者  
案大司徒有五地山林已下有原隰今此則經上已說  
川澤山林丘陵及墳衍訖惟不言原隰故此土祇中有  
原隰可知也又土祇中有平地者案大宰九職云一曰  
三農生九穀後鄭以三農者原隰及平地以其生九穀  
故知此土祇中非直以原隰亦有平地之神也若然不  
言原隰而云土祇者欲見原隰中有社稷故鄭君駁異  
義云五變而致土祇者五土之總神謂社是以變  
原隰言土祇郊特牲云社稷土而主陰氣是社稱土祇  
故鄭云土神也云象物有象在天所謂四靈者以其天  
神同六變致之象者有形象在天物者與羽羸等同稱  
物故知有象在天四靈等也云天地之神四靈之知者天  
則天神地則土祇故云天地之神四靈之知也云非德至  
和則不至者欲見介物已上皆以樂和感之未必由德此



天地四靈非直須樂要有德至和乃致之也云禮運已下者欲見象物則彼四靈也云何謂四靈者記人自問自答案彼注云淦之言閃言魚鮪不閃閃畏人也猶飛走之貌二者皆據魚鮪不淦不可以龜更言魚鮪以龜知人情故變言人情不失也案大司徒山林宜毛物川澤宜鱗物丘陵宜羽物墳衍宜介物原隰宜羸物此經則以羽物配川澤羸物配山林鱗物配丘陵毛物配墳衍介物配土祇與大司徒文不類者彼以所宜而言此據難致易致而說故文有錯綜不同也案月令孟冬云祈來年於天宗鄭注云此周禮所謂蜡也天宗日月星鄭以月令祈於天宗謂之蜡則此天神亦是日月星辰非大天神以蜡祭所祭衆神祭卑不可援尊地神惟有土祇是以知無天地大神也又尚書云蕭韶九成鳳凰來儀九成乃致象物者鄭以儀為匹謂止東而孕乘匹故九變乃致此直據致其凡樂圜鍾為宮黃鍾為角神故與大天神同六變也

大簇為徵姑洗為羽雷鼓雷鼗孤竹之管雲和之琴瑟  
雲門之舞冬至於地上之圜丘奏之若樂六變則天  
神皆降可得而禮矣凡樂函鍾為宮大簇為角姑洗為  
徵南呂為羽靈鼓靈鼗孫竹之管空桑之琴瑟咸池之  
舞夏至於澤中之方丘奏之若樂八變則地示皆出  
可得而禮矣凡樂黃鍾為宮大呂為角大簇為徵應鍾  
為羽路鼓路鼗陰竹之管龍門之琴瑟九德之歌九磬  
之舞於宗廟之中奏之若樂九變則人鬼可得而禮矣

此三者皆禘大祭也天神則主北辰地祇則主崑崙人鬼則主后稷先奏是樂以致其神禮之以玉而裸焉乃後合樂而祭之大傳曰王者必禘其祖之所自出祭法曰周人禘嚳而郊稷謂此祭天圜丘以嚳配之圜鍾夾鍾也夾鍾生於房心之氣房心為大辰天帝之明堂瓦鍾林鍾也林鍾生於未之氣未坤之位或曰天社在東井與鬼之外天社地神也黃鍾生於虛危之氣虛危為宗廟以此三者為宮用聲類求之天宮夾鍾陰聲其相生從陽數其陽無射無射上生中呂中呂與地宮同位不用也中呂上生蕤鍾黃鍾下生林鍾林鍾地宮又不用林鍾上生大蕤大蕤下生南呂南呂與無射同位又不用南呂上生姑洗地宮林鍾林鍾上生大蕤大蕤下生南呂南呂上生姑洗人宮黃鍾黃鍾下生林鍾林鍾地宮又辟之林鍾上生大蕤大蕤下生南呂南呂與天宮之陽同位又辟之南呂上生姑洗姑洗南呂之合又辟之姑洗下生應鍾應鍾上生蕤賓蕤賓地宮林鍾之

陽也又辟之蕤實上生大呂凡五聲宮之所生濁者為  
角清者為徵羽此樂無商者祭尚柔商堅剛也鄭司農  
云雷鼓雷鼗皆謂六面有革可擊者也雲和地名也靈  
鼓靈鼗四面路鼓路鼗兩面九德之歌春秋傳所謂水  
火金木土穀謂之六府正德利用厚生謂之三事六府  
三事謂之九功九功之德皆可歌也謂之九歌也玄謂  
雷鼓雷鼗八面靈鼓靈鼗六面路鼓路鼗四面孤竹竹  
特生者孫竹竹枝根之末生者陰竹生於山北者雲和  
空桑龍門皆山名九磬讀當為大韶字之誤疏曰此  
三者皆用一代之樂類上皆是下神之樂列之在下文  
者以分樂而序之據天地之次神故陳彼天地已下之  
神并蜡祭訖乃列陳此三禘恐與上雜亂故也言六變  
八變九變者謂在天地及廟庭而立四表舞人從南表  
向第二表為一成一成則一變從第二至第三為二成  
從第三至北頭第四表為三成舞人各轉身南向於北  
表之北還從第一至第二為四成從第二至第三為五

成從第三至南頭第一表為六成則天神皆降若八變者更從南頭北向第二為七成又從第二至第三為八成地祇皆出若九變者又從第三至北頭第一為九成人鬼可得而禮焉此約周之大武象武王伐紂故樂記云且夫武始而北出再成而滅商三成而南四成而南國是疆五成而分陝周公左召公右六成復綴以崇其餘大護已上雖無滅商之事但舞人須有限約亦應立四表以與舞人為曲別也禮天神必於冬至禮地祇必於夏至之日者以天是陽地是陰冬至一陽生夏至一陰生是以還於陽生陰生之日祭之也至於郊天必於建寅者以其郊所感帝以祈穀實取三陽爻生之日萬物出地之時若然祭神州之神於北郊與南郊相對雖無文亦應取三陰爻生之月萬物秀實之時也言圜丘者案爾雅土之高者曰丘取自然之丘圜者象天圜既取丘之自然則未必要在郊無問東西與南北方皆可地言澤中方丘者因高以事天故於地上因下以事地

故於澤中取方丘者水鍾曰澤不可以水中設祭故亦取自然之丘方象地方故也宗廟不言時節者天地自相對而言至此宗廟無所對謂祫祭也但殷人祫於三時周禮惟用孟秋之月為之則公羊云大事者何大祫也毀廟之主陳於太祖未毀廟之主皆升合食于太祖是也天用雲門地用咸池宗廟用大韶者還依上分樂之次序尊者用前代卑者用後代為差也宗廟用九德之歌者以人神象神主以九德為政之具故特異天地之神也天地及宗廟並言皆降皆出皆至者以祭尊可以及卑故禮記云大報天而主日配以月是其神多故云皆也天神六變地祇八變人鬼九變者上文四變已上所致有先後者動物據飛走遲疾地神有孔竅大小其土祇及天神有靈智故據至德至和乃可以致今此三者六變已上則據靈異而言但靈異大者易感小者難致故天神六變人鬼九變也又曰云此三者皆禘大祭也者案爾雅云禘大祭不辨天神人鬼地祇則皆有

祭也者案爾雅云禘大祭不辨天神人鬼地祇則皆有禘稱也祭法云禘黃帝之等皆據祭天於圜丘大傳云王者禘其祖之所自出據夏正郊天論語禘自既灌據祭宗廟是以鄭云三者皆禘大祭也云天神則主北辰地祇則主崑崙人鬼則主后稷者此三者則大宗伯云祀之享之祭之又大宰云祀大神祇及大享亦一也三者恒相將故鄭據此三者之神也云先奏是樂以致其神者致神則下神也周之禮凡祭祀皆先作樂下神乃薦獻薦獻訖乃合樂也云禮之以玉而裸焉乃後合樂而祭之者云禮之以玉據天地而裸焉據宗廟以小宰注天地大神至尊不裸又玉人典瑞宗伯等不見有宗廟禮神之玉是以知禮之以玉據天地則蒼璧禮天黃琮禮地是也而裸焉據宗廟肆獻裸是也云大傳曰王者必禘其祖之所自出者謂王者皆以建寅之月郊所感生帝還以感生祖配之若周郊以后稷配之也引之者證郊與圜丘俱是祭天之禘郊之禘以后稷配圜丘

禘以饗配故引祭法禘饗而郊稷為證云圜鍾夾鍾也者即上文夾鍾也云夾鍾生於房心之氣至明堂者案春秋緯文耀鉤及石氏星經天官之注云房心為天帝之明堂布政之所出又昭十七年冬有星孛於大辰公羊傳云大辰者何大火也大火為大辰伐為大辰北辰亦為大辰夾鍾房心之氣為大辰天之出日之處為明堂故以圜鍾為天之宮云函鍾林鍾也者月令謂之林鍾是也云林鍾生於未之氣未坤之位者林鍾在未八卦坤亦在未故云坤之位云或曰天社在東井與鬼之外者案星經天社六星與鬼之南是其與鬼外也天社坤位皆是地神故以林鍾為地宮也云黃鍾生於虛危之氣者以其黃鍾在子子上有虛危故云虛危之氣也云虛危為宗廟者案星經虛危主宗廟故為宗廟之宮也云以此三者為宮用聲類求之者若十二律相生終於六十即以黃鍾為首終於南事今此三者為宮各於本宮上相生為角徵羽麤細須品或先生後用或後生



先用故云聲類求之也云天宮夾鍾陰聲其相生從陽  
數者其夾鍾與無射配合之物夾鍾是呂陰也無射是  
律陽也天是陽故宮後歷八相生還從陽數也云無射  
上生中呂中呂與地宮同位不用也者地宮是林鍾林  
鍾自與蕤賓合但中呂與林鍾同在南方位故云同位  
以天尊地卑故嫌其同位而不用之中呂上生黃鍾  
黃鍾為角也黃鍾下生林鍾林鍾地宮又不用亦嫌不  
用也林鍾上生大蕤大蕤為徵也大蕤下生南呂與無  
射同位又不用南呂上生姑洗姑洗為羽祭天四聲足  
矣地宮林鍾林鍾上生大蕤大蕤為角大蕤下生南呂  
南呂為羽先生後用也南呂上生姑洗姑洗為徵後生  
先用四聲足矣人宮黃鍾黃鍾下生林鍾林鍾為地宮  
又避之不取也林鍾上生大蕤大蕤為徵先生後為用  
也大蕤下生南呂南呂與天宮之陽同位又避之南呂  
上生姑洗姑洗南呂之合又避之姑洗下生應鍾應鍾  
為羽應鍾上生蕤賓蕤賓地宮之陽以林鍾是地宮與

蕤賓相配合故又避之蕤賓上生大呂大呂為角以  
多後生先用也四聲足矣凡言不用者卑之凡言避之  
者尊之天宮既從陽數故於本宮之位人地皆不避之  
至於南呂姑洗合地於天雖有尊卑體敵之義故用姑  
洗天宮之陽所合但人於天尊卑隔絕故避姑洗天宮  
之陽所合也鄭必知有避之及不用之義者以其天人  
所生有取有不取知之不取者是嫌不用人鬼不敢者  
是尊而避之也云凡五聲宮之所生濁者為角清者為  
徵羽者此總三者宮之所生以其或先生後用謂若地  
宮所生姑洗為徵後生先用南呂為羽先生後用人宮  
所生大呂為角後生先用大簇為徵先生後用以其後  
生絃多用角先生絃少用徵故云凡宮之所生濁者為  
角清者為徵羽也云此樂無商者祭尚柔商堅剛也者  
此經三者皆不言商以商是西方金故云祭尚柔商堅  
剛不用若然上文云此六樂者皆文之以五聲並據祭  
祀而立五聲者凡音之起由人心生單出曰聲雜比曰

音泛論樂法以五聲言之其實祭無商聲鄭司農云雷鼓雷鼗皆六面靈鼓靈鼗皆四面路鼓路鼗皆兩面者以此三者皆祭祀之鼓路鼗不合與晉鼓等同兩面故後鄭不從也云九德之歌春秋傳云云此文七年趙宣子曰勸之以九歌九功之德皆可歌也謂之九歌六府三事謂之九功水火金木土穀謂之六府正德利用厚生謂之三事注云正德人德利用地德厚生天德此本尚書大禹謨之言賈服與先鄭並不見古文尚書故引春秋也玄謂雷鼓已下八面六面四面者雖無正文以鼗鼓晉鼓等非祭祀鼓皆兩面宗廟尊於晉鼓等故知加兩面為四面祭地尊於宗廟故知更加兩面為六面祭天又尊於祭地知更加兩面為八面是以不從先鄭也云孤竹竹特生者謂若嶧陽孤桐云孫竹竹枝根之末生者案詩毛傳云枝幹也幹即身也以其言孫若子孫然知枝根末生者云陰竹生於山北者爾雅云山南曰陽山北曰陰今言陰竹故知山北者也云雲和空桑

龍門皆山名者以其禹鑿龍門見是山即雲和與空桑亦山可知故不從先鄭雲和地名也云九磬讀當有大韶者上六樂無九韶而凡樂事大祭祀宿縣遂以聲展有大韶故破從大韶也

之叩聽其聲具陳次之以知完否疏曰凡樂事言凡語廣則不徒大祭祀而已直言大祭祀者舉大祭祀而言其實中祭祀亦宿縣也但大祭祀中有天神地祇人鬼中小祭祀亦宿縣至於饗食燕賓客有樂事亦兼之矣言宿縣者皆於前宿豫縣之遂以聲展之者王出謂相和使作聲而展省聽之知其完否善惡也

入則令奏王夏尸出入則令奏肆夏牲出入則令奏昭

夏三夏皆樂章名疏曰云王出入者據前文大祭祀而言王出入謂王將祭祀初入廟門及祭訖出廟門

皆令奏王夏也尸出入謂尸初入廟門及祭祀訖出廟門皆令奏肆夏牲出入者謂二灌後王出迎牲及燭肉

與體其大豕是牲出入皆令奏昭夏先言王次言尸後言牲者亦祭祀之次也又曰此三夏即下文九夏皆是詩詩與樂為篇章帥國子而舞當用舞者帥以往疏曰凡興舞皆使國之子

弟為之但國子人多不必一時皆用當遞代而去故選當用者帥以往為舞之處也同上鍾師

凡祭祀奏燕樂

以鍾鼓奏之疏曰知以鍾鼓奏之音以其鍾師奏九夏用鍾鼓故知此燕樂

亦用鍾鼓奏之

可知也同上鑄師掌金奏之鼓

謂主擊晉鼓以奏其鍾鑄也然則擊

鑄者亦視瞭

疏曰鑄師不自擊鑄使視瞭擊之但擊

金奏之鼓耳又曰知金奏之鼓是主擊晉鼓者鼓人職

云以晉鼓鼓金奏故知之也金奏謂奏金金即鍾鑄鍾鑄以金為之故言金云然則擊鑄者亦視瞭者案磬師

云掌教擊編鍾不言鑄鑄與鍾同類大小凡祭祀鼓其異耳既擊鍾明亦擊鑄故云亦視瞭也

金奏之樂

疏曰金奏之樂者即八音是也亦以晉鼓鼓之同上

笙師凡祭祀

共其鍾笙之樂

鍾笙與鍾聲相應之笙疏曰鄭為此解者以其笙師不掌鍾而兼言鍾故知

義然也

磬師教縵樂之鍾磬凡祭祀奏縵樂

杜子春讀縵為

同上

怠慢之慢玄謂縵讀為縵錦之縵謂雜聲之和樂者也學記曰不學操縵不能安弦疏曰于春讀縵為慢後

鄭不從之玄謂縵讀為縵錦之縵者時有縵錦之言依俗讀之也云謂雜聲之和樂者也謂雜弄調和引學記為證案彼鄭注云縵縵雜弄即今之調辭曲若不學調則不能安意於弦也同上

大師大祭

祀帥瞽登歌令奏擊拊

擊拊瞽乃歌也故書拊為付鄭司農云登歌歌者在堂也付字

當為拊書亦或為拊樂或當擊或當拊登歌下管貴人聲也玄謂拊形如鼓以韋為之著之以糠疏曰謂凡

大祭之時大師有此一事言帥瞽登歌者謂下神合樂皆升歌清廟故將作樂時大師帥取瞽人登堂於西階之東北面坐而歌者與瑟以歌詩也令奏擊拊者拊所以導引歌者故先擊拊瞽乃歌也歌者出聲謂之奏故云奏也又曰鄭云擊拊瞽乃歌也者見經云令奏擊拊故知擊拊乃歌也先鄭云樂或當擊或當拊者先鄭之意擊拊謂若尚書云擊石拊石皆是作用之名拊非樂器後鄭不從者此擊拊謂若下文鼓棟及擊應鼗之類彼棟鼗是樂器則知此拊亦樂器也玄謂拊形如鼓以韋為之著之以糠者此破先鄭拊非樂器知義如此者約白虎通引尚書大傳云拊革裝下管播樂器令奏鼓之以糠今書傳無者在亡逸中

棟 棟音盾 鼓棟管乃作也特言管者貴人氣也鄭司農云下管吹管者在堂下棟小鼓也先擊小鼓乃擊大鼓小鼓為大鼓先引故曰棟棟讀為道引之引玄謂鼓棟猶言擊棟詩云應棟縣鼓引之引並音盾疏

曰凡樂歌者在上匏竹在下故云下管播樂器樂器即笙簫及管皆是出聲曰播謂播揚其聲令奏鼓棟者奏即播亦一也欲令奏樂器之時亦先擊棟導之也又曰鄭云鼓棟管乃作也者亦如上注擊拊磬乃歌云特言管者貴人氣也者以管簫皆用氣故云貴人氣若然先鄭云登歌下管貴人聲此後鄭云特言管者貴人氣不同者各有所對若以歌者在上對匏竹在下歌用人人聲為貴故在上若以匏竹在堂下對鍾鼓在庭則匏竹用氣貴於用手故在階閒也後鄭云鼓棟猶言擊棟者此上下文拊與鼓皆言擊則此鼓謂出聲亦擊之類也詩云應棟縣鼓周頌

小師大祭祀登歌擊拊

亦自有拊擊之

同

佐大師令奏鄭司農云拊者擊石令力呈反疏曰鄭知小師亦自擊拊不共大師同擊拊者見大師下管鼓棟此小師下管別自擊應鼗不同明擊拊亦別可知但小師佐大師耳引先鄭拊為擊石者先鄭上注已解



拊與擊同後鄭不從今引之在下者  
以無正文引之或得為一義故也  
下管擊應鼓應

與棟及朔皆小鼓也其所用別未聞  
擊類彌反疏

曰鄭知應是應聲及有朔聲者案大射建鼓在阼階西

南鼓應聲在其東以是知應是應聲彼又云一建鼓在

於西階之東朔聲在其北是知有朔聲也知皆小鼓者

擊鼓者即事之漸先擊小後擊大故大射云應聲在其

東朔聲在其北聲者皆在人右鄭彼注云便其先擊小

後擊大既便其事是聲皆小鼓也云其所用別未聞者

此上下祭祀之事有應有棟無朔大射有朔有應無棟

凡言應者應朔聲祭祀既有應明有朔  
徹歌於有司徹

但無文不可強定之故云用別未聞也  
而歌雍

疏曰鄭知徹祭器歌詩者見論語八佾云三家者以雍

徹孔子云相雖辟公天子穆穆奚取於三家之堂以三

家無辟公助祭又無天子之容則諸侯亦不得用唯天

子得用之是天子之容則徹器用徹詩故云歌雍也

凡小祭祀小樂事鼓棟

如大師鄭司農云棟小鼓名同上

樂師凡國

之小事用樂者令奏鍾鼓

疏曰此小事鄭云小祭祀之事謂王玄冕所祭則天地及

宗廟皆有鍾鼓樂師令之若大次二者之樂大司樂令之也此小祭有鍾鼓但無舞故舞師云小祭祀不與舞

是也凡樂成則告備

成謂所奏一竟書曰簫韶九成燕禮曰大師告于樂正曰正歌備疏曰

云成謂所奏一竟者竟則終也所奏八音俱作一曲終則為一成則樂師告備如是者六則六成餘八變九變

亦然故鄭引書簫韶九成為證也又引燕禮者欲見彼諸侯燕禮大師告于樂正樂正告于賓與君此天子祭

禮亦太師於樂成之時則大師告樂師樂師乃告王彼據燕禮此據祭禮事節相當故引為證也詔來

瞽臬舞

鄭司農云瞽當為鼓臬當為告呼擊鼓者又告當舞者持鼓與舞俱來也鼓字或作瞽詔來瞽

或曰來勅也勑爾鼓率爾衆工奏爾悲誦肅肅雍雍毋  
怠毋凶玄謂詔來瞽詔視瞭扶瞽者來入也皋之言號  
告國子當舞者舞 瞭音了 疏曰到讀之文詔瞽來  
謂詔告視瞭扶瞽人來入升堂作樂也皋舞者謂號呼  
國子舞者使當舞又曰先鄭破瞽為鼓後鄭從字或為  
瞽於義是但文不足後鄭增之耳云或曰來勑已下但  
瞽人無目而云勑爾瞽率爾衆工於義不可且奏爾悲  
誦等似逸詩不知何從而出故後鄭不從之玄謂詔來  
瞽者以來為入按大祝云來瞽令皋舞注云來皋者皆  
謂呼之入彼來為呼之者以彼來上無詔字故以來為  
呼之義與 此同也

### 及徹帥學士而歌徹

學士國子也鄭司農云謂將徹之時自有樂故

帥學士而歌徹玄謂徹者歌雍雍在周頌臣工之什  
疏曰此亦文承祭祀之下亦謂祭末徹祭器之時樂師  
帥學士而歌徹但學士主舞瞽人主歌今云帥學士而  
歌徹者此絕讀之然後合義歌徹之時歌舞俱有謂帥

學士使之舞歌者自是瞽人歌雍詩也徹者主宰君婦耳又曰鄭云學士國子也者此學士即下大胥職云掌學士之版以待致諸子故知學士是國子國子即諸子是也玄謂徹者歌雍者見論語云三家者以雍徹孔子云相維辟公天子穆穆奚取於三家之堂若然要有辟公助祭并天子之容穆穆乃可用雍詩徹祭器是大夫及諸侯皆不得用雍故知此云歌徹者歌雍詩也又云雍在周頌臣工之什者從清廟已下皆周頌但此雍在臣工之什內云之什者謂聚令相相息亮反注同令十篇為一卷故云之什也令相視瞭扶工鄭司農云告當相瞽師盲言當罷也瞽師盲者皆有相道之者故師冕見及階曰階也及席曰席也皆坐曰某在斯某在斯曰相師之道與見賢遍反與音餘疏曰此令相之文在祭祀歌徹之下者欲見大小祭祀皆有令相之事故於下總結之鄭知令相令視瞭扶工者見儀禮扶工者皆稱相以其瞽人無目而稱工故云令視瞭扶工

也先鄭引論語者亦見相是扶工也

同上

篇師祭祀則鼓羽籥之舞

之鼓

者恒為之節疏曰祭祀先作樂下神及合樂之時則使國子舞鼓動以羽籥之舞與樂節相應使不相奪倫

故鄭云鼓之者恒為之節

同上

司干掌舞器

舞器羽籥之屬疏曰鄭知司干所掌舞

器是羽籥以其文武之舞所執有異則二者之器皆司干掌之言司干者周尚武故以干為職首其籥師教而不掌若然干與戈相配而不言戈者下文云祭祀授舞器則所授者授干與羽籥也案司戈盾亦云祭祀授旅賁及故士戈盾授舞者兵云舞者兵惟謂戈其干亦於此官授之司兵云祭祀授舞者兵鄭注云授以朱干玉戚謂授大武之舞與此授小舞干戈別也祭祀舞者既陳則授舞器既舞則受之

既已也受取藏之

同上

司兵祭祀授舞者兵

授以朱干玉戚之屬疏

曰鄭知此兵是朱干玉戚者祭統云朱干玉戚以舞大武則大武用朱干玉戚又案下司戈盾云祭祀授旅賁

受故士戈盾司兵尊於司戈盾明所授兵據大武朱干玉戚也其司干所授者又是羽籥之等非干戚可知也

夏官 司戈盾掌戈盾之物而頒之分與受用者下文疏曰

祭祀是也 祭祀授旅賁受故士戈盾授舞者兵亦如之亦頒之也

故士王族故士也與旅賁當事則衛王也受如杖長尋有四尺疏曰云故士王族故士者據司士而言云與

旅賁當事則衛王者案旅賁氏掌執戈盾而趨此執受者以其與故士同衛王時以為儀衛故不執戈盾知受

如杖者廬人所為不見有刃故知如杖知尋有四尺者卑有六等云受長尋有四尺崇於人四尺也夏官

旄人掌教舞散樂舞夷樂

散樂野人為樂之善者若今黃門倡矣自有舞夷樂

四夷之樂亦皆有聲歌及舞疏曰云掌教舞散樂舞夷樂者旄人教夷學而不掌鞀鞀氏掌四夷之樂而不教二職互相統耳但旄人加以教散樂鞀鞀氏不掌之也又曰云散樂野人為樂之善者以其不在官之員內謂之為散故以為野人為樂善者也云若今黃門倡矣者漢倡優之人亦非官樂之內故舉以為說也云夷樂四夷之樂者即孝經緯云東夷之樂曰鞀南夷之樂曰任西夷之樂曰侏離北夷之樂曰禁知亦皆有聲歌及舞者此經有舞下鞀鞀氏云凡四方之以舞仕者屬焉掌四夷之樂與其聲歌是也凡四方之以舞仕者屬焉疏曰云凡四方之以舞仕者屬焉者此即野凡祭祀舞人能舞者屬旄人選舞人當於中取之故也其燕樂疏曰舞其燕樂謂作燕樂時使四方舞士舞之以夷樂春官龔師掌教龔樂祭祀則帥其屬而舞之舞之以東夷之舞疏曰知舞之以東夷之舞者以其專

主夷樂則東夷之樂曰韞是也  
凡舞夷樂皆門外為之 同上

舞師掌教兵舞帥而舞

山川之祭祀教帔舞帥而舞社稷之祭祀教羽舞帥而

舞四方之祭祀教皇舞帥而舞旱暵之事

羽析白羽為之形如帔也

四方之祭祀謂四望也旱暵之事謂雩也暵熱氣也鄭  
司農云皇舞蒙羽舞書或為翌或為義玄謂皇析五采  
羽為之亦如帔 曠呼但反翌音皇 疏曰云掌教兵  
舞謂教野人使知之國有祭山川則舞師還帥領往舞  
山川之祀已下皆然案春官樂師有六舞并有旄舞施  
于辟雍人舞施于宗廟此無此二者但卑者之子不得  
舞宗廟之酌祭祀之舞亦不得用卑者之子彼樂師教  
國子故有二者此教野人故無旄舞人舞又曰但羽舞  
用白羽帔舞用五色繒用物雖異皆有柄其制相類故  
云形如帔也云四方之祭祀謂四望也知者若以四方



連百物則四方不止四望今單云四方四望五岳四瀆亦布在四方故知四方即四望也云旱暵之事謂雩也者春秋所云雩者皆釋旱又祭法云雩祭水旱故知旱暵謂雩祭也云暵熱氣也者以其旱時多熱氣又此暵字以日為形以漢為聲者故知暵熱氣也鄭司農云皇舞蒙羽舞者先鄭之意蓋見禮記王制有虞氏皇而祭皇是冕為首服故以此皇為鳳皇羽蒙于首故云蒙羽舞自古未見蒙羽于首故後鄭不從之矣云書或為望或為義者禮本不同故或為望或為義皆不從之矣玄謂皇析五采羽為之亦如帔者鍾氏染鳥羽象翟鳥鳳皇之羽皆五采此舞者所執亦以威儀為飾言皇是鳳皇之字明其羽亦五采其制亦如帔舞若然帔舞羽舞皇舞形凡野舞則皆教之野舞謂野人欲學舞者制皆同也疏曰案序官舞徒四十人其數有限今云皆教之者數雖四十餘者有能學皆教之以待其闕耳凡小祭祀則不興

舞

小祭祀王玄冕所祭者與猶作也疏曰案上文云

凡祭祀百物之神鼓兵舞帔舞又案司服云羣小祀

則玄冕注云羣小祀林澤墳衍四方百物之屬如是則

小祭祀有兵舞帔舞而云不與舞者小祭祀雖同玄冕

若外神林澤之等則有舞若宮中七祀之等則無舞此文是也地官鞞鞞氏掌四夷

之樂與其聲歌

四夷之樂東方曰鞞南方曰任西方曰

者必作四夷之樂一天下也言與其聲歌則云樂者主

於舞任音壬疏曰四夷樂名出於孝經緯鉤命決

故彼云東夷之樂曰鞞持牙助時生南夷之樂曰任持

弓助時養西夷之樂曰侏離持鉞助時殺北夷之樂曰

禁持楯助時藏皆於四門之外右辟是也案明堂位亦

有東夷之樂曰鞞南夷之樂曰任又案虞傳云陽伯之

樂舞侏離則東夷之樂亦名侏離者東夷樂有二名亦

名侏離鄭注云侏離舞曲名言象萬物生侏離若詩云

彼黍離離是物生亦曰離云王者必作四夷之樂一天下也者案白虎通云王者制夷狄樂不制夷狄禮者所以均中國不制禮恐夷人不能隨中國禮也四夷之樂誰為舞使國之人也云與其聲歌則云樂者主於舞者凡樂止有聲歌及舞既下別云聲歌明上云樂主於舞可知也案月令仲春云命樂正入學習樂注云歌與八音知非舞以其下季春云大合樂明所祭祀則歛而歌合多故知非直舞而有歌與八音也

之吹之以管籥為之聲疏曰知吹之以管籥為之聲者以其歌者在管籥在下既言吹之用氣明據管籥為之聲可知是以笙師教吹籥管之等春官

### 右樂舞

司烜氏掌以夫遂取明火於日以鑒取明水於月以共

祭祀之明鑒明燭共明水

烜音毀

夫遂陽遂也鑒鏡

之火月之水欲得陰陽之絜氣也明燭以照饌陳明水以爲玄酒鄭司農云夫發聲明鑒謂以明水滫滌粢盛黍稷夫方符反又音符疏曰云夫遂陽遂也者以其日者太陽之精取火於日故名陽遂取火於木爲木遂者也鑒鏡屬者詩云我心非鑒不可以取也云取水者可以照物此鑒形制與彼鑒同所以取水也云取水者世謂之方諸言取水謂之方諸則取水者不名方諸別名陽遂也明者絜也日月水火爲明水明火是取日月陰陽之絜氣也云明燭以照饌陳者謂祭日之旦饌陳於堂東未明須燭照之云明水以爲玄酒者鬱鬯五齊以明水配三酒以玄酒配玄酒并水也玄酒與明水別而云明水以爲玄酒者對則異散文通謂之玄酒是以禮運云玄酒在堂亦謂明水爲玄酒也先鄭云明水滫滌粢盛黍稷者滫謂明水滫滌謂蕩滌俱謂澤米者也

秋官 酒人掌為五齊三酒祭祀則共奉之以役世婦世婦

謂宮卿之官掌女宮之宿戒及祭祀比其具酒人共酒因畱與其奚為世婦役亦官聯此必履反又毗志反扶利反疏曰言為五齊三酒者為猶作也云祭祀則共奉之者謂酒人共而奉之因以役世婦者屬春官宮卿官也酒人以奚送酒至世婦因為世婦所役使又曰云世婦謂宮卿之官者所謂春官每宮卿一人故云世婦謂宮卿之官也云掌女宮之宿戒者此亦世婦職文引此者其職云及祭祀比其具則此酒人等共奉酒以往為世婦所役言亦官聯者即凡祭祀共酒以往不言奉小宰云祭祀之聯事是也

疏曰上云祭祀共奉之謂大祭次祭也此不若奉謂小祭祀王玄冕所祭者故云共酒以往天官酒

正掌酒之政令以式灋授酒材式法作酒之法式作酒既有米麴之數又有功

沽之巧月令曰乃命大酋秫稻必齊麴蘖必時湛餽必  
絜水泉必香陶器必良火齊必得鄭司農云授酒人以  
其材沽音古酋將由反秫音述齊才細反一如字蘖  
魚列反湛接廉反餽昌志反疏曰酒正辨四飲則漿  
之政令亦掌之今直言掌酒之政令不言漿之政令者  
但據酒之尊者而言其實漿亦掌之云以式法授酒材  
者式法謂造酒法式謂米麴多少及善惡也酒材即米  
麴蘖授與酒人使酒人造酒既言兼掌漿人則漿之法  
式及漿材亦授之不言者亦舉尊言也云作酒既有米  
麴之數者謂此為法式也云又有功沽之巧者功沽謂  
善惡善惡亦是法式者也引月令者十一月之令言乃  
命大酋監之者彼注酒熟曰酋於周禮則為酒人案下  
注昔酒今之酋久白酒則酋者久遠之稱則是久熟者  
善故名酒官為大酋若然彼注為酒人此酒正引之者  
此酒正以法式及酒材授與酒人使造酒故引酒人云  
秫稻必齊者必使齊熟麴蘖必時者造之必得時湛餽

必絮者湛漬餽炊也謂漬米炊釀之時必須絮淨水泉  
必香者謂漬麴漬米之水必須香美陶器必良者酒甕  
陶中所燒器者必須成熟不津云火齊  
必得者謂釀之時生熟必宜得所也  
凡為公酒者亦

如之

謂鄉射飲酒以公事作酒者亦以式法及酒材授  
之使自釀之疏曰言凡為公酒者謂為公事而

作酒言凡非一謂若鄉飲酒鄉射之等言亦如之者亦  
以式法授酒材又曰言鄉射飲酒者謂鄉飲酒鄉射飲  
酒鄉飲酒中有黨正飲酒賓賢能飲酒鄉射飲酒中有  
州長春秋習射於序又有鄉大夫三年賓賢能後以五  
物詢衆庶用州長射禮並是鄉射飲酒若然州長黨正  
飲酒而謂之鄉者或是鄉大夫所居州黨或是鄉大夫  
親來臨禮並得鄉名故謂之鄉此數事者皆為國行禮  
不可橫斂於民故得公酒其百家為族不得公酒族祭  
步神之時  
辨五齊之名一曰泛齊二曰醴齊三曰盎齊  
合錢飲酒

四曰緹齊五曰沈齊

緹音體泛者成而滓浮泛泛然如今宜成醪矣醴猶體也成而汁滓

相將如今怙酒矣盎猶翁也成而翁翁然葱白色如今  
鄭白矣緹者成而紅赤如今下酒矣沈者成而滓沈如  
今造清矣自醴以上尤濁縮酌者盎以下差清其象類  
則然古之法式未可盡聞杜子春讀齊皆為梁又禮器  
曰緹酒之用玄酒之尚玄謂齊者每有祭祀以度量節  
作之醪魯刀反翁鳴動反於勇反差初賣反疏曰  
言辨五齊之名者酒正不自造酒使酒人為之酒正直  
辨五齊之名知其清濁而已云一曰泛齊者泛讀如泛  
泛揚舟之泛言泛者謂此齊孰時滓浮在上泛泛然二  
曰醴齊者醴體也此齊熟時上一體汁滓相將故名  
醴齊又此醴齊作時怙於餘齊與酒味稍殊亦入於六  
飲三曰盎齊已下其類可知又曰言泛者成而滓浮者  
此五齊皆言成者謂酒熟曰成云如今宜成醪矣者宜  
成說以為地名故曹植酒賦曰宜成醴醪蒼梧縹清若



馬融所云今之宜成會稽稻米清似宜成以為酒名故  
劉杳要雅亦以宜成為酒名二者未知孰是今鄭云宜  
成醪矣亦未知鄭意酒名地名類下鄭白則為地名云  
如今恬酒矣者但於五齊中為恬故以恬酒況之云如  
今鄭白矣者漢時蕭何所封南陽地名鄭云如今下酒  
矣者下酒謂糟床下酒其色紅赤故以緹名之案鄭下  
注五伯緹衣亦赤黑色也云如今造清矣者漢時造酒  
熟則滓沈故以況沈齊也云自醴已上尤濁縮酌也者  
言自醴已上唯有泛齊泛齊滓浮則濁于醴齊汁滓相  
將者此二者皆以茅泚之故司尊彝云醴齊縮酌郊特  
牲云縮酌用茅明酌也謂以事酒之上清明者和醴齊  
以茅泚之使可酌鄭彼注云泛從醴是二者皆縮酌故  
云自醴已上尤濁縮酌也云益以下差清者案司尊彝  
云益齊沬酌鄭注沬清也謂以清酒泚之則不用茅以  
其益已清故也鄭彼注又云泛從醴緹沈從益則亦用  
清酒泚之云其象類則然者謂五者皆舉漢法況之是

其象類則然者也云古之法式未可盡聞者雖舉漢法漢承周後多得古之法只可略聞故云未可盡聞也杜子春讀齊皆為粢云禮器曰緹酒之用玄酒之尚者子春意見禮運云粢醢在堂又見禮器云醴酒之用又粢穀為醢酒則其餘四齊皆以粢穀為之故讀齊皆為粢玄謂齊者每有祭祀以度量節作之謂祭有大小齊有多少謂若祫祭備五齊禘祭備四齊時祭備二齊是以度量節作之不從子春為粢者禮運唯有醢齊稱粢於此五者皆稱齊子春破五齊從一粢於義不可故鄭於禮運注粢當為齊破一粢從五齊於義可也此五齊與下三酒及春官鬯人所造鬯酒所以異者五齊三酒俱用秬稻麴蘖又三酒味厚人所飲者也五齊味薄所以祭者也是以下經鄭注云祭祀必用五齊者至敬不高味而貴多品五齊對三酒酒與齊異通而言之五齊亦曰酒故禮坊記云醴酒在室醢酒在堂是也其鬯酒者自用黑黍為之與此別也

辨三酒之物

一曰事酒二曰昔酒三曰清酒

鄭司農云事酒有事而飲也昔酒無事而飲也

清酒祭祀之酒玄謂事酒酌有事者之酒其酒則今之  
醪酒也昔酒今之酋久白酒所謂舊醪者也清酒今之  
山冬釀接夏而成醪音亦音昔疏曰辨者豫先之  
名物者財也以三酒所成有時故豫給財令作之也言  
一曰事酒者此三酒並人所飲故下云共王四飲三酒  
也但事酒酌有事人飲之故以事上名酒也二曰昔酒  
者久釀乃熟故以昔酒為名酌無事之人飲之三日清  
酒者此酒更久於昔故以清為號祭祀用之此昔酒清  
酒皆以酒上為名也又曰先鄭云有事而飲者謂於祭  
祀之時乃至卑賤執事之人祭未並得飲之昔酒無事  
而飲者亦於祭未羣臣陪位不得行事者並得飲之清  
酒祭祀之酒者亦於祭祀之時賓長獻尸尸酢賓長不  
敢與王之臣共器尊同酌齊故酌清以自酢故云祭祀  
之酒故司尊彝云皆有罍諸臣之所酢此三酒皆盛於

欽定四庫全書

儀禮經傳通解

卷二十八上

疊尊在堂下但此清酒受尸酢故以祭祀言之玄謂事酒酌有事者之酒者先鄭云有事而飲據有事時飲之後鄭云酌有事者之酒謂有事之人但是有事之人雖不當祭時亦酌酒與之是就足先鄭義也云其酒則今之醑酒者事酒冬釀春成以漢之醑酒況之云昔酒今之酋久白酒者言昔為久酋亦遠久之義故以漢之酋久白酒況之但昔酒對事酒為清若對清酒則為白故云酋久白酒也故晉語云味厚實昔毒酒久則毒也云所謂舊醑者案禮記郊特牲云猶明清與醑酒于舊醑之酒也彼上注云明酌者事酒之上也醑酒益齊涕于舊醑之酒三酒除事酒清酒則云舊醑是昔酒可知也對事酒為新醑昔酒為舊醑清酒不得醑名云清酒今中山冬釀接夏而成者以昔酒為久冬釀接春明此清酒久於昔酒自然接夏也中山郡名故魏都賦云醑酌中山沈凡祭祀以灋共五齊三酒以實八尊大祭三貳

中祭再貳小祭壹貳皆有酌數唯齊酒不貳皆有器量  
酌器所用注尊中者數量之多少未聞鄭司農云三貳  
三益副之也大祭天地中祭宗廟小祭五祀齊酒不貳  
為尊者質不敢副益也杜子春云齊酒不貳謂五齊以  
祭不益也其三酒人所飲者益也弟子職曰周旋而貳  
唯噍之視玄謂大祭者王服大裘衮冕所祭也中祭者  
王服鷩冕毳冕所祭也小祭者王服希冕玄冕所祭也  
三貳再貳壹貳者謂就三酒之尊而益之也禮運曰玄  
酒在室醴醖在戶粢醖在堂澄酒在下澄酒是三酒也  
益之者以飲諸臣若今常滿尊也祭祀必用五齊者至  
敬不尚味而貴多品為于偽反噍苦簞反希本作締  
張里反粢才計反飲于鵠反疏曰言凡祭祀者謂天  
地及宗廟等總目之言云以法共五齊三酒者但祭  
有大小齊有多少各有常法故云以法共五齊三酒云  
以實八尊者五齊五尊三酒三尊故云以實八尊此除

明水玄酒若五齊加明水三酒加玄酒此八尊為十六尊不言之者舉其正尊而言也云大祭三貳者大祭謂王服大裘衾冕所祭者也三貳者貳副也就三酒所飲者三度副益之云中祭再貳者中祭謂王服鷩冕毳冕所祭者也再貳亦謂就三酒之中再度益之云小祭壹貳者小祭謂王服希冕玄冕所祭者也云皆有酌數者謂三酒之祭事昔清尊皆有酌器盛酒益尊故言皆有酌云數者謂多少之數言惟齊酒不貳者齊酒所祭祀非人所飲故不副益云皆有酌器者器謂酌齊酒注於尊中量謂皆有多少之量又曰酌器釋經皆有酌器者所用注五齊三酒於尊中云數量之多少未聞者數之與量皆是多少之言但未開升數耳鄭司農云三貳三益副之也者先鄭之意注酒於尊中為副子春後鄭亦與之辨云大祭天地等者先鄭意天地為大祭宗廟為中祭五祀為小祭其實天地自有大祭小祭宗廟亦有次小云齊酒不貳為尊者質不貳副益也者以其

主獻尸所用少故不副益杜子春引弟子職者是管子  
書弟子職篇謂弟子事師長飲酒之時弟子用注周旋  
而貳者欲副益酒尊之時嫌謂不滿唯酒尊不滿者視  
之更益玄謂大祭者王服大裘衮冕所祭已下至玄冕  
所祭並據司服文冕服有六天地宗廟各有二等故以  
六冕配之案司服王祀昊天上帝則服大裘而冕祀五  
帝亦如之祀先王則衮冕祭地亦用大裘是天地宗廟  
皆有大祭一也云中祭者王服鷩冕鷩冕所祭也者案  
司服先公則鷩冕四望山川則毳冕是地與宗廟次祭  
二也但天之次祀不見衣服者日月是天之次祀以其  
大報天主日配以月服大裘故春分朝日秋分夕月兼  
服玄冕故天之次祀中不見衣服云小祭者王服希冕  
玄冕所祭也者案司服社稷五祀則希冕羣小祀則玄  
冕鄭彼注山林川澤之屬鄭雖不言風師雨師等之屬  
中兼之也唯見天地小祭不見宗廟小祭者馬融以為  
宗廟小祭謂祭塲是也祭塲之時或可亦用玄冕若然

案禮器云一獻實謂祭羣小祀當玄冕三獻文謂祭社稷五祀當希冕五獻察謂祭四望山川當毳冕七獻神謂祭先公當鷩冕雖不言九獻下文云大饗其王事與大饗謂祫祭先王為九獻當袞冕禮器下文云大饗不足以大旅大旅當大裘據此一獻至九獻以此獻數約之故六服差為三案司服四望山川服毳冕五獻社稷服希冕三獻社稷在山川下案大宗伯以血祭祭社稷五祀五嶽而社稷在五嶽上者五嶽與土地異形若畿外諸侯服獻則尊於王朝之臣社稷號曰土神似若王朝之臣服獻則卑於五嶽而在五嶽上者似若王人雖微猶叙諸侯之上案王制宗廟之牛角握國語山川之牛角尺社稷尊於五嶽者彼自從國中之神莫貴於社故與宗廟同用握引禮運曰玄酒在室者謂鬱鬯在室中而玄酒即明水也配鬱鬯故在室醴醢在戶者醴謂醴齊醢謂盞齊並在戶也案醢在堂者案當為齊齊醢在堂也澄酒在下者澄謂沈齊酒謂三酒二者並在堂下



也云澄酒是三酒也者案鄭志趙商問禮運注澄是沈齊今此注澄酒是三酒何鄭答今解可去澄字若然鄭本於此注時直云酒是三酒無澄字有澄字者誤當云酒是三酒云益之者以飲諸臣者言益之解經中貳案司尊彝云皆有罍諸臣之所酢是飲諸臣也云若今常滿尊也者言益之故常滿故以漢法況之云祭祀必用五齊者至敬不尚味而貴多品者鄭意五齊味薄於三酒而數多但鬼神享德不享味故須至極敬而已是以引郊特牲云至敬不尚味而貴多品也同上

### 小宗伯辨六彝之名物以待

果將

六彝雞彝鳥彝斚彝黃彝虎彝蜼彝果讀曰裸上二經皆云使共奉之此及下經不云使共奉之

疏曰

而云以待文不同者上二者官衆故云使共奉此及下文並是司尊彝一職之事又是春官當司所主故直云以待也裸言將者將送也謂以圭瓚酌之送與尸及賓故云將六彝之名出司尊彝也云果讀為裸者諸文皆

云裸故讀從之其實裸更讀為灌

辨六尊之名物以待祭祀

待者有事則給之鄭

司農云六尊獻尊象尊壺尊著尊大尊山尊反著直略反大音太

疏曰案司尊彝唯為祭祀陳六

彝六尊亦依祭禮四時所用唯在外野饗不用祭祀之尊故春秋左氏傳云犧象不出門也若然案鬱人云掌

裸器凡祭祀之裸事則上六彝亦為祭祀而辨之司而不言祭祀者舉下以明上故略而不言春官

尊彝掌六尊六彝之位詔其酌辨其用與其實

位所陳之處酌

涉之使可酌各異也用四時祭祀所用亦不同實鬱及醴齊之屬涉子里反疏曰此經與下文為目直云

六彝六尊案下兼有疊尊不言者文略也又曰云位所陳之處者此下經不見陳尊之處案禮運云玄酒在室

醴醢在戶齊醢在堂彼是禘祭陳四齊此下時祭陳二齊設尊亦依此也云酌涉之使可酌各異也者此下文

鬱齊獻酌醴齊縮酌之等是各異也云用四時祭祀所用亦不同者即下文春祠夏禴已下所用不同是也云實鬱及醴齊之屬者凡六彝六尊之酌鬱齊獻酌醴齊醴齊之中有三酒也

縮酌盎齊沅酌凡酒脩酌

獻酌素何反鄭音儀沅舒銳反一音雪脩直厯反故書

縮為數齊為盎鄭司農云獻讀為儀儀酌有威儀多也沅酌者沅拭勻而酌也脩酌者以水洗勻而酌也盎讀皆為齊和之齊杜子春云數當為縮齊讀皆為樂玄謂禮運曰玄酒在室醴醴在戶粢醴在堂澄酒在下以五齊次之則醴酒盎齊也郊特牲曰縮酌用茅明酌也醴酒沅于清汁獻沅于醴酒猶明清與醴酒于舊澤之酒也此言轉相沅成也獻讀為摩莎之莎齊語聲之誤也煮鬱和秬鬯以醴酒摩莎沅之出其香汁也醴齊尤濁和以明酌沅之以茅縮去滓也盎齊差清和以清酒沅之而已其餘三齊泛從醴醴沈從盎凡酒謂三酒也脩

讀如滌濯之滌滌酌以水和而沛之今齊人命浩酒曰  
滌明酌酌取事酒之上也澤讀曰澤明酌清酒醖酒沛  
之皆以舊醖之酒凡此四者祿用鬱齊朝用醖齊饋用  
盎齊諸臣自酢用凡酒唯大事于大廟備五齊三酒  
數音朔和胡卧反疏曰云凡六彝之酌與鬱齊為目  
六尊之酌與醖齊盎齊為目下有凡酒滌酌上不言壘  
者亦是文不具也凡言酌者皆是沛之使可酌也又曰  
司農云獻讀為儀已下後鄭皆不從者此經皆為沛酒  
之法而司農皆不為沛酒法其言無所據依故皆不從  
也司農云齊讀皆為齊和之齊鄭注酒正為度量解之  
則齊和義亦通也予春為桑於義不可後鄭於酒正已  
破訖玄謂引禮運者欲破彼醖從此盜也彼云玄酒在  
室者據配鬱鬯之尊故在室若配鬱鬯當云明水而云  
玄酒者散文通云以五齊次之則醖酒盎齊也者依此  
經及酒正言之盎次醖禮運醖次醖以醖當盎處即一  
物明醖酒盎齊也盎齊云酒則酒齊亦通引郊特牲曰

縮酌用茅明酌至釀酒者彼記人意以經泚酒法難解  
故釋此經泚酒之法也此云醴齊縮酌彼記人取此縮  
酌二字於彼重解之云此言縮酌者縮酌當用茅也又  
云明酌者醴齊濁還用事酒之清明者和醴齊然後用  
茅泚之使可酌故云明酌也云釀酒泚于清者釀酒即  
盎齊盎齊差清亦不言縮則不用茅泚謂新亦謂泚之  
也彼記人所取此盎齊泚酌解之以盎齊欲泚之時則  
以清酒和而泚泚使可酌故直云泚于清也云汁獻泚  
于釀酒者記人亦取此經鬱齊獻酌釋之云汁獻者獻  
讀摩莎之莎也云泚于釀酒者以鬱鬯尊不用三酒而  
用五齊中盎齊差清者和鬱鬯泚之故云泚于釀酒也  
云猶明清與釀酒于舊醕之酒也者此記人復恐不曉  
古之泚酒之法故舉當時泚酒之法以曉人也云明清  
者明謂事酒清謂清酒釀謂盎齊三者皆於舊醕之酒  
中泚之但云醕酒即事酒也今云舊醕則醕中之舊冬  
釀接春而成故云舊是昔酒也云此言轉相泚成已下

皆鄭重釋記人之言也云醴酒尤濁和以明酌沛之者  
醴齊對盎齊已下三者為尤濁上仍有泛齊更濁於醴  
齊也盎齊差清和以清酒沛之而已者以不用茅故云  
沛之而已云其餘三齊泛從醴緹沈從盎者以沛三者  
無文故鄭約同此二齊以泛齊濁不過與醴齊同緹沈  
清無過與盎同故略為二等沛五齊也云凡酒謂三酒  
也者以上文列彝卣壘三等之尊此見沛鬱與二齊凡  
酒事相當故凡酒謂三酒非一故稱凡也云脩讀為滌  
濯之滌者讀從宗伯視滌濯之滌欲解滌為水之意必  
知以水者曲禮曰水曰清滌且鬱鬯用五齊五齊用三  
酒三酒用水差次然也云明酌酌取事酒之上也者重  
解縮酌用茅明酌也云澤讀曰驛明酌清酒醑酒沛之  
皆以舊醑之酒者重解當時之法以曉人者也云凡此  
四者裸用鬱齊朝用醴齊饋用盎齊諸臣自酢用凡酒  
者此以上列尊及沛酒次第為先後祭禮有裸有朝踐  
饋獻醑尸次第為先後推此可知也云唯大事於大廟

備五齊三酒者此據酒正云祭祀共五齊三酒下有大  
祭中祭小祭此時祭用二齊禮運四齊據禘祭明大事  
祫祭備五齊三酒可知三酒時祭亦備之亦於大事言  
之者連言夾句耳文二年大事于大廟公羊傳大事者  
何大祫也即此大事  
是祫可知也 同上 冪人掌共巾冪 冪音密 共巾  
曰巾者則下經王巾皆繡是也冪者則冪八尊之類是  
也又曰據經巾冪俱有鄭唯言共巾可以覆物不言冪  
者但冪唯以覆物其中則兼以祭祀以疏布巾冪八尊  
拭物故特解巾可以覆物者也  
以疏布者天地之神尚質 疏曰祭天無祿唯有五齊  
三酒實於八尊疏布者大功布為冪覆此八尊故云疏  
布冪八尊此據正尊而言若五齊如明水三酒如玄酒  
則十六尊皆以疏布冪之也又曰鄭知此經祭祀是天  
地之神者以其下經畫布冪六彝是宗廟之祭用六彝  
即知此疏布冪八尊無灌是天地可知又見禮器云大

路素而越席疏布冪彼皆據祭天則疏布是祭天地可知舉天地則四望山川社稷林澤皆用疏布皆是尚質之義以畫布巾冪六彝宗廟可以文畫者畫其雲氣與也

與音餘

疏曰言六彝者難

彝鳥彝犀彝黃彝虎彝蜚彝此六彝皆盛鬱鬯以畫布冪之故云畫布冪六彝此舉六彝對上經八尊無鬱鬯以言宗廟有鬱鬯其實天地亦有秬鬯之彝用疏布宗廟亦有八尊亦用畫布互舉以明義也又曰言宗廟可以文畫者畫其雲氣與者三禮通例所言畫者解畫皆以為畫雲氣謂畫為五色之雲俱無正文故言與以疑之天官鬯人掌共秬鬯而飾之秬鬯不和鬱者飾之謂設巾疏曰云掌共秬鬯者此直共秬黍之酒無鬱也故注云不和鬱者也鄭知飾之謂設巾者此上下雖無設巾之事案冪人云以疏布巾冪八尊以畫布巾冪六彝凡王巾皆黼凡尊皆有



巾冪明鉅鬯之酒尊亦設巾  
可知故知所飾者設巾也  
凡祭祀社壇用大罍壇唯癸反

音禪 壇謂委土為壇壇所以祭也大罍瓦罍 壇音善又  
疏曰壇謂委土為壇壇所以祭者謂四邊委土

為壇於中除地為壇壇內作壇謂若三壇同壇之類也  
此經云社壇謂若封人及大司徒皆云社壇皆直見外

據外神明此罍亦用瓦取質略之意也 祭門用瓢齎

祭音詠 祭謂營鄭所祭門國門也春秋傳曰日月星  
辰之神則雪霜風雨之不時於是乎祭之魯莊二十五年秋大水

水旱癘疫之不時於是乎祭之魯莊二十五年秋大水  
鼓用牲于門故書瓢作剽鄭司農云讀剽為瓢杜子春

讀齎為梁瓢謂瓢蠡也梁盛也玄謂齎讀為齊取甘瓢  
割去柢以齊為尊 疏曰鄭知祭謂營鄭者欲見祭神

之法非一取營鄭而祭之義故也鄭知門是國門者禮  
記祭法云天子祭七祀有國門故也春秋傳者昭元年

子產辭彼先云山川後云日月此先云日月者鄭君所讀春秋先日月與賈服傳不同故也彼無不時此有之者鄭以義增之非傳文引之者證祭是營鄭而祭之義引莊二十五年傳者證有門之義但彼譏伐鼓用牲其大水祭門是也玄謂齋讀為齊者以其割廟用脩凡山齊為尊亦取質略之意故不從子春也

川四方用蜃凡裸事用概凡醠事用散

脩音卣羊久反又音由醠乎逼

反散素旱反

裸當為埋字之誤也故書蜃或為謨杜

子春云謨當為蜃

書亦或為蜃蜃水中蜃也鄭司農云

脩謨概散皆器名玄謂廟用脩者謂始禘時自饋食始

脩蜃概散皆漆尊也脩讀曰卣卣中尊謂獻象之屬尊

者彝為上壘為下蜃畫為蜃形蚌曰合漿尊之象概尊

以朱帶者無飾曰散獻素何反蚌步項反合音含

疏曰鄭破裸為埋者若裸則用鬱當用彝尊不合在此而用概尊故破從埋也埋謂祭山林則山川用蜃者大

山川司農云脩謨概散皆器名者先鄭從古云謨後鄭亦不從之矣玄謂廟用脩者謂始禘時者謂練祭後遷廟時以其宗廟之祭從此始自始死以來無祭今為遷廟以新死者木主入廟特為此祭故云始禘時也以三年喪畢明年春禘為終禘故云始也云自饋食始者天子諸侯之祭自灌始有朝踐饋獻乃有饋食進黍稷大夫士禮無饋獻已前事宜有饋食始即特牲少牢皆云饋食之禮是也今以喪中為吉祭不可與吉時同故略同大夫士禮且案大宗伯宗廟六享皆以裸為始當在鬱人用彝今不用鬱在鬯人用苴尊故知略用饋食始也若然鄭知義遷廟在練時者祭文二年穀梁傳云作主壞廟有時日於練焉壞廟壞廟之道易檐可也改塗可也爾時木主新入廟禘祭之是以左氏說凡君薨祔而作主持祀主於寢畢三時之祭暮年然後烝嘗禘於廟許慎云左氏說與禮同鄭無駁明用此禮同義與穀梁傳合賈服以為三年終禘遭烝嘗則行祭禮與前解違非

鄭義也鄭知脩蜃概散皆漆尊也者以稱散凡物無飾曰散直有漆明概蜃之等漆外別有飾故知皆尊也鄭以脩從貞者詩與尚書及爾雅皆為貞脩字於尊義無所取故從貞也云貞中尊謂獻象之屬者案下司尊彝職云春祠夏祔祔用雞彝鳥彝朝踐用兩獻尊饋獻用兩象尊皆有壘諸臣之所酢是尊者彝為上壘為下獻象之屬在其中故云中尊獻象之屬更云彝為上壘為下者欲推出貞為中尊之意也云之屬者秋冬及追享朝享皆彝為上壘為下著尊壺尊之等在其中也云蜃畫為蜃形者亦謂漆畫之云蚌曰合漿尊之象者蚌蛤一名含漿含漿則是容酒之類故畫為蜃而尊名也云概尊以朱帶者玄纁相對既是黑漆為尊以朱帶落腹故名概概者橫概之義故知落腹也云無飾曰散者以對概蜃獻象之等有異物之飾此無故曰散云臨事者即大宗伯云臨辜祭四方百物者也春官小祝大祭祀贊奠奠奠爵也疏曰云

贊奠者大祝酌酒奠于鉶南則郊特牲注天子奠單諸侯奠角小祝其時贊之同上

右酒齊尊彝 記夏后氏尚明水殷尚醴周尚酒

此皆其時之用耳言尚非也疏曰夏后氏尚質故用水殷人稍文故用醴周人轉文故用酒故云此皆其時之用耳云言尚非者案儀禮設尊尚玄酒是周家亦尚明水也案禮運云澄酒在下是三酒在堂下則周世不尚酒故知經言尚者非也明堂位 祭齊加明水報陰也

齊才細反下同明水司烺所取於月之水也齊五齊也五齊加明水則三酒加玄酒也疏曰祭齊加明水者謂於正祭之時陳列五齊之尊上又加明水之尊故云祭齊加明水也報陰也者解加涉加明水之意肺是五藏在內水又屬北方皆是陰類又親形魄歸地是陰以陰物祭之故云報陰

也又曰云五齊加明水則三酒加玄酒也者崔氏  
云五齊尊上加明水之尊五齊重明水亦重故加  
明水三酒輕玄酒亦輕故云三酒加玄酒也此云  
玄酒對明水直謂水也若總而言之明水亦名玄  
酒故禮運云玄酒在室及司烜注云明水以爲玄  
酒是也此經祭齊加明水之文謂總舉祭時而用  
五齊非謂綏祭之時也故鄭云祭黍稷加肺謂綏  
祭不云祭齊也案儀禮綏祭之後亦祭酒必知此  
祭齊非綏祭者以鄭云三酒加明水浼齊貴新也  
玄酒三酒本非綏祭之用故也  
浼始銳反浼猶清也五齊濁浼之使清謂之浼  
齊及取明水皆貴新也周禮甞氏以浼水漚然浼  
齊或爲汎齊甞莫剛反漚爲豆反疏曰明水  
浼齊貴新也者明水謂以陰鑑取月中之水也浼  
猶清也謂浼五齊使清故云浼齊所以凡浼新之  
設明水及浼齊者貴其新潔之義也

也新之者敬也疏曰凡沅新之也者釋沅齊之意言所以沅此齊者以敬於鬼神故新潔之也

其謂之明水也由主人之潔著此水也著猶成也言主人齊

潔此水乃成可得也齊側皆反疏曰其謂之明水也由主人之潔著此水也者此釋明水之意

所以謂之清明之水者著成也由主人清潔成就此水乃成可得而用也縮酌用茅

明酌也縮所六反謂沛醴齊以明酌也周禮曰醴齊縮酌五齊醴尤濁和之以明酌沛之

以茅縮去滓也明酌者事酒之上也名曰明者事酒今之醪酒皆漸成也春秋傳曰爾貢包茅不入

王祭不共無以縮酒酌猶斟也酒已沛則斟之以實尊彝昏禮曰酌玄酒三注于尊凡行酒亦為酌

也齊才細反去起吕反共音恭疏曰此一節記人總釋周禮司尊彝沛二齊及鬱鬯之事又曰

縮酌用茅明酌也者縮沛也酌是斟酌謂醴齊既  
濁沛而後可斟酌故云縮酌也用茅者謂沛醴齊  
之時而用茅也明酌也者謂事酒之上酒色清明  
謂之明酌言欲沛醴齊時先用明酌和此醴齊然  
後用茅沛之不云泛齊者與醴齊同又曰謂沛醴  
齊以明酌者言沛醴齊之時以明酌和之引周禮  
醴齊縮酌者證此經縮酌是醴齊也云五齊醴尤  
濁者以醴比茲齊醴齊沈齊以次漸清故云尤濁  
其實泛齊亦濁也云明酌者事酒之上也者周禮  
三酒一曰事酒二曰昔酒三曰清酒三酒之中事  
酒尤濁五齊之內醴齊尤濁醴酒清於醴齊清酒  
又清於事酒故知以事酒沛醴齊也明謂清明故  
知是事酒之上清明者也云事酒謂之醴酒皆新  
成也者言古之事酒正是漢之醴酒事酒與醴酒  
皆是新作而成故鄭注周禮云事酒酌有事者之  
酒謂為事而新作者醴是和醴醴釀之名即今卒



造之酒也引春秋傳者僖四年左傳文證此用茅  
是縮酒也云酒已泚則斟之以實尊彝者以別器  
泚之泚訖取之以實尊彝也言彝者通鬱鬯而言  
也引昏禮曰酌玄酒三注于尊者證實尊稱酌之  
意云凡行酒亦為酌也者言非但實尊為酌凡以  
爵行酒亦為酌故儀禮鄉飲酒燕禮實爵與人皆  
稱為醖酒沅于清謂泚醖酒以清酒也醖酒盎齊  
酌也盎齊必和以清酒者皆久味相得差初賣  
已泚盎齊必和以清酒者皆久味相得差初賣  
反初佳反疏曰醖酒沅于清者醖酒盎齊也沅  
泚也謂泚之以清酒盎齊差清先和以清酒而後  
泚之泚謂泚漉也以其差清不用茅其醖齊泚齊  
泚之與醖酒同鄭注司尊彝云泛從醴泚從盎  
此記不言五齊獨舉醴盎二齊者以司尊彝沅時  
祭二齊三酒與鬱故此記者釋之天子時祭所用  
尤多故特言之又曰醖酒盎齊者周禮云盎齊沅

酌此云醖酒流于清沅文是同又周禮醖齊之後有盎齊禮運醖後有醖故知醖謂盎齊也云皆久味相得者盎齊既清作之必久清酒又汁獻沅于冬釀接夏而成故云皆久味相得也

醖酒

謂沛柜鬯以醖酒也獻讀當為莎齊語聲之誤也柜鬯者中有煮鬱和以盎齊摩莎沅謂沛

出其香汁因謂之汁莎不以三酒沛柜鬯者柜鬯尊也疏曰汁獻沅于醖酒者獻謂摩莎沅謂沛也柜鬯之中既有煮鬱又和以盎齊摩莎沅之出其香汁是汁莎沛之以醖酒也又曰既以事酒沛醖齊清酒沛盎齊則沛柜鬯應亦用三酒今沛柜鬯乃用盎齊故云不以三酒沛柜鬯者柜鬯尊以其尊故用五齊沛之五齊早故用三酒沛之事相宜也


猶明清與醖酒于舊

澤之酒也

猶若也澤讀為醖舊醖之酒謂昔酒也沛醖齊以明酌沛醖酒以清酒沛汁獻

以醖酒天子諸侯之禮也天子諸侯禮廢時人或聞此而不審知云若今明酌清酒與醖酒以舊醕之酒沛之矣就其所知以曉之也沛清酒以舊醕之酒者為其味厚腊毒也為于偽反腊音昔疏曰猶明清與醖酒于舊澤之酒也者猶若也明謂明酌清謂清酒醖酒謂盎齊作記之時呼明酌及清酒與醖酒等皆沛於舊醕之酒謂以舊醕昔酒和此明酌清酒等三者而沛之作記之時其事如此古禮廢亡恐人不知沛醴齊以明酌沛醖酒以清酒沛汁莎以醖酒之意故記者云沛此醴齊之等猶若今時明清醖酒沛於舊醕之酒也就其今日所知以曉古者難知之事又曰天子諸侯禮廢者謂祭禮廢則今日見存此經所云沛酒皆天子諸侯之事以其禮廢其事難知故舉今事以譬曉之云沛清酒以舊醕之酒者為其味厚腊毒也者舊醕之酒謂昔酒作雖久成此清酒為薄故用

薄酒泚此清酒為其清酒是冬釀夏成其味厚久  
腊毒害故以薄酒泚之故國語云高位實疾顛厚  
味實腊毒鄭之此注解記時清  
酒泚於舊醕之酒 郊特牲



儀禮經傳通解續卷二十八上